

古史輯要

卷

14  
1475  
14



門 4  
號 1475  
卷 14

昭和十五年  
十二月二日  
購求

古史輯要卷五

宋紀 趙姓涿郡人。都大梁。是為北宋。凡九帝。得年百六十七。合南宋凡十八帝。共年三百有二。

附遼

太祖皇帝 名匡九。千七年。建隆。乾德。開寶三號。上生于夾馬營。赤光滿

赤光異香之瑞  
贈韓通為中書令  
王彥昇終身不得節鉞  
天下自此定

周李筠死節

室異香經宿不散。人稱為香孩兒營。○贈韓通中書令。旌其忠。怒王彥昇。故終身不授節鉞。初韓通謀拒上。為王彥昇所殺。○陳搏隱華山。聞上即位。曰：天下自此定矣。○杜太后治家多嚴。上御極。拜於殿前。愀然曰：天子有道。此位可保。否則求為匹夫。不得矣。○李筠取周太祖。

古史輯要卷五 宋紀 一 海山仙館叢書

太祖混一規模  
以實儀為翰  
林學士  
實儀清介厚  
重

長君社稷之  
福  
杯酒釋兵權

像懸壁涕泣。約北漢伐宋。上攻殺筠。平潞州。○以實儀為學士。儀清介厚重。嘗入侍。見上岸幘。露頂曰岸幘。顏冠曰幘。跌足遂不進。上改容謝之。○杜太后遺詔傳位光義。即太光義傳光美。亦太光美傳德昭。太祖曰。國有長君。社稷之福也。周恭帝以七歲失國。太后戒此是矣。而太宗卒致弟姪不得其死。非以此哉。○趙普請上奪諸節度權。上召石守信等飲。酣曰。天子不若節度之樂。朕實不能安枕也。對曰。誰敢萌異心乎。上曰。如麾下之欲富貴。何。一日黃袍加汝身。欲不為不得矣。今卿等何不釋兵權。為子孫立遠業。

責其人而密  
諭漢超

雪夜幸普家

守信等俱乞罷。○李漢超守關南。民有訟強娶已女為妾。上責其人遣之。乃密諭漢超令還其女。超感悟。卒為良吏。○郭進守西山。有訟進不法事。上令進殺之。會北漢來侵。進貫其罪。使赴敵自贖。其人果捷。進即以此聞。○上欲復令符彥卿典兵。趙普力諫。上曰。朕待之厚。豈相負耶。普曰。周待陛下薄乎。乃止。○上每事必往決。趙普會夜大雪。往普門。立風雪中。普知迎入。為熾炭燒肉。普妻行酒。上以嫂呼之。因與普計下太原。普曰。太原當西北二面。若下則邊患獨當之。不

補綴舊牘

剛毅果斷

塵埃中識天子宰相

世脩降表李家

如侯平諸國則彈丸黑子。安能逃乎。上曰。吾意正如此。○趙普嘗薦人。至再四。上怒。裂其牘。普補綴復奏。乃得俞。其剛毅類如此。○趙普嘗言。微時所不足。上及已者。上曰。塵埃中識天子宰相。則人皆物色之矣。○蜀主遣趙彥韜。約北漢伐宋。彥韜至汴。以蠟書獻之上。得書喜曰。兵有名矣。命王全斌等伐之。克蜀主。命李昊草降表。前蜀之亡。其降表亦昊所草。蜀人夜書其門曰。世脩降表李家。○命和峴定雅樂。○范質卒。命子勿請諡。光義曰。宰相無右質者。獨欠世宗一

解貂裘賜全斌

宰相須用讀書人

橐中惟圖書

五星聚奎

以曹彬為宣

徽使

穀子名在第六

死耳。○汴京大雪。上念西征將士。解所服紫貂裘帽。馳賜王全斌。仍諭諸將。以不及徧之意。故多感激成功。○初上改元。命擇前代未有年號。及蜀平。見蜀宮人鏡背云。乾德四年鑄。上怪問竇儀。儀曰。此必蜀物。昔蜀主曾有此號。上歎曰。宰相須用讀書人。○曹彬平蜀返。橐中惟圖書而已。上嘉之。命為宣徽使。○丁卯三月。五星聚奎。宋一代人文之盛兆于此○王裕知貢舉。陶穀子邴名在第六。上謂左右曰。聞穀不能訓子。邴安得登第。因詔自今舉人。凡關食祿之家。悉委

紫雲黑龍

以董遵誨為通遠軍使

吾當救此一方民  
太祖推心置人腹

中書覆試。○上喜觀書。雖在軍中。手不釋卷。初趙普以吏起。上勸使讀書。亦手不釋卷。○上微時。依董遵誨之父。誨嘗侮之。一日語上曰。每見城上有紫雲黑龍。此何祥也。上不對。至是語曰。卿記紫雲黑龍乎。誨惶恐請死。上拜通遠軍使。○北漢主鈞請存漢血食。上哀之。終鈞之世不加兵。○命獄吏恤囚。遇盛暑。五日一檢視。○南漢主為燒煮剛剔刀山劍樹之刑。上曰。吾當救此一方民。乃伐之。○劉鋹漢主被擒。賜之酒。鋹疑有毒。上曰。朕推赤心置人腹耳。取鋹酒自飲。○劉

劉溫叟清介

西舍封識宛

然撫士卒不吝

爵賞

犯法有劍

注雨釋官人

戒公主用翠

羽

海物必佳

鼎錯猶有耳

趙普社稷臣

溫叟御清介。晉王光義嘗賜之錢。溫叟封置西舍。明年復賜。所封宛然。晉王聞而奇之。及卒。上曰。必得純厚如溫叟者可代。○上曰。朕撫士卒。固不吝賞。苟犯吾法。惟有劍耳。○夏淫雨。上以宮怨所致。乃釋官人百餘。○公主以翠羽飾衣。上曰。京城劾此。翠無遺類矣。命去之。○上為周恭帝發喪。輟朝十日。○上幸趙普家。會吳越致海物十瓶于普。上曰。海物必佳。故之。皆瓜子金也。上不悅。○雷德驤大理短趙普。上怒曰。鼎錯猶有耳。汝不聞普社稷臣乎。乃斥德驤。其子訟

皇弟忠孝全德

江南一以委卿

李煜一門不可加害

渡江獻策

渡江若履平地

焉。上復驥官。而普恩漸替。尋罷河陽節度。普上表自訴曰。外人謂臣輕議皇弟。皇弟忠孝全德。矧有昭憲杜太遺命。上封其表藏之。此普之市恩太宗也。按普功過相半。豈古純臣哉。○命曹彬伐南唐。上曰。江南之事。一以委卿。切勿暴掠生民。城陷之日。李煜一門不可加害。按南唐徐知誥後蓋改姓李。○曹彬克池州。次采石磯。初南唐樊若水池州人。以舉進士不第。釣于采石。乘小舟引絲。以度江之廣狹。因上書于宋。言江南可取。請造浮梁以渡師。上從之。至是試舟于采石。不差尺寸。大軍渡江。若履平地。○

父子可兩家

臥榻之側豈容他人鼾睡  
曹彬誓不妄殺

舟中惟圖籍衣衾  
曹彬不伐

曹彬圍江寧。唐主遣徐鉉言于上曰。李煜如子事父。何罪見伐。上曰。曾父子可兩家乎。鉉辨之力。上怒曰。天下一家。臥榻之側。豈容他人鼾睡耶。○唐城將陷。曹彬忽稱疾。諸將請藥。彬曰。余疾非藥石能愈。願諸君不妄殺。則愈矣。捷至上。泣曰。必有羅鋒刃者。寔可哀也。命出米十萬賑之。太祖一泣。真不愧三代仁主哉。○曹彬返舟中。惟圖籍衣衾而已。閣門榜云。奉勅差往江南。向當公事回。時人嘉其不伐。按彬為宋良將第一。○曹彬伐唐歸。上曰。本授卿使相。即宰相。然太原未平。姑少待之。賜錢五

好官不過多得錢

黃祿封甚固途中宜密觀

今日復見太平天子

洞開諸門此如我心

十萬。彬曰：人生何必使相，好官不過多得錢耳。此彬托辭。○吳王俶來朝，及還，賜以黃祿，封甚固。戒曰：途申宜密觀，啟之皆羣臣乞留俶疏也。俶歸，感甚。每視事，命徙坐東偏。曰：西北者，神京在焉，敢正坐乎？○上如西京。今河南府。民曰：不圖今日復見太平天子。上欲都此，以晉王諫還東京。今汴梁。○上後苑彈雀，臣有奏急事者出視之，乃常也。上怒，對曰：亦急于彈雀耳。上撞其兩齒，臣曰：恐史官書之也。上乃慰以金帛。○上御殿，命洞開諸門，曰：此如我心。少有邪曲，人皆見之。

取艾分痛

他日太平天子

燭影斧聲

擬宋賜呂蒙正綠袍雜務錫宴詩章謝表

○晉王嘗病灼艾，上取艾自灸，以分其痛。上每言晉王龍行虎步，他日太平天子，德福非吾所及。太祖傳事直與堯舜合符。惜太宗不能無負耳。○上不豫，壬子夜，召晉王，囑以後事。屏左右，但遙見燭影下，晉王若有遜避之狀。既而引柱斧戳地，大聲囑曰：好為之。遂崩。按宋史癸丑云：壬子夜之事，或亦私史之訛耳。太宗皇帝，初名匡義，改光義，及即位，改名炁。太祖弟。十二年，太平興國，雍熙，端拱，淳化，至道六號。詔制六科取士，臨軒親策。命呂蒙正以下一榜盡賜及第。初太祖幸洛陽，張齊賢以布衣獻策，還語太宗曰：我得一張齊賢，我不官之。他日留為汝相至。

太宗不行太  
原之賞

齊賢之論豈  
知本

是齊賢名在榜末。故一榜盡賜及第焉。○以孔宜襲封文宣公。孔子四十四代孫。○德昭從上攻太原。軍中嘗夜驚。不知上所在。有謀立德昭者。上聞不悅。捷還。久不行賞。德昭為之言。上怒曰。待汝自為之。賞未晚也。德昭自刎。德昭死。光美不自安。上召趙普詢以太后遺詔。普曰。陛下豈容再誤。由是光美遂得罪。越二年卒。普以一言誤主。真逢君之惡也。○上欲取幽薊。張齊賢曰。聖人舉事。動出萬全。百戰百勝。不若不戰而勝。五帝三王。未有不先根本也。幽薊則河北不固。而河南亦不能安枕。齊賢之言。豈確論哉。○上作假山為樂。姚坦

君臣可謂兩  
全。此子亦參政  
蒙正雅量

開卷有益  
有道仁聖之  
主。勤行脩煉無  
出此

曰。但見血山耳。言皆民膏血也。上急毀焉。○趙普以議罷相。上作詩餞之。相泣別。宋琪曰。君臣始終。可謂兩全。○呂蒙正參知政事。有朝士指之曰。此子亦參政。耶蒙正若為不聞。同列欲詰其姓名。蒙正止之。時人服其量。○詔舒雅等脩太平御覽一千卷。上曰。讀三卷。宋琪以勞瘁諫。上曰。開卷有益。不為勞也。○陳搏入朝。賜號希夷先生。宋琪問以脩養。搏曰。今上有道。仁聖之主也。正宜協力致治之秋。勤行脩煉。無出于此。○遣曹彬等分道伐契丹。與耶律休哥戰于岐溝。敗績。楊



齊賢代州之捷

用賢公典

誓見避殿減膳

黑面大王

詔貸義門陳

競粟

寇準直言

業復戰於陳家峪兵敗死之。○張齊賢知代州契丹薄城齊賢于三十里外列幟燃芻契丹疑救至北走追擊大捷。○李昉為相每求用者雖才可取必正色絕之已乃擢子弟問其故昉曰用賢公典若受其請是私恩也。○旱遣使決獄諸州是夕雨彗出東井上避殿減膳是夕彗滅。○尹繼倫<sub>巡檢</sub>大敗契丹于徐河契丹相戒曰當避黑面大王。<sub>繼倫</sub>○江州陳競五世同居人幾滿千以家眾乏食詔貸粟二千石。<sub>按競家餘一犬不食羣犬俟之其義氣之感如此</sub>○寇準嘗奏不合上怒起準輒

半部論語佐太平

學士之職清

要貴重

不欲宦官預

政

宣徽執政之

漸

知子莫若父

引上衣上嘉之曰朕得寇準猶太宗之得魏徵也。○趙普復相雖多忌刻然能任事每退輒閉門讀書嘗曰臣有論語一部以半部佐太祖定天下以半部佐陛下致太平。○以錢若水為學士上曰學士清貴非他官可比朕嘗恨不得為。○王繼恩<sub>宦者</sub>平蜀寇議除為宣徽使上曰朕不欲此輩預政若宣徽使執政之漸也。○寇準請建儲曰謀及婦人中官不可謀及近臣不可也。惟陛下之自擇耳上曰壽王可乎準曰知子莫若父聖慮既以為可願即決之。○呂蒙正薦可

蒙正器量

呂端大事不糊塗

少年天子

捲簾升視下拜

使朔方者。上不許。他日三問。三以其人對。上曰。蒙正器量。我不如。用其人。果稱職。○呂端為相。持重識大體。上嘗謂其小事糊塗。大事不糊塗。故每事必經參酌。○立壽王為太子。謁廟還。京師擁道喜曰。少年天子也。上語寇準曰。人心遽屬太子。置我何地。準賀曰。此社稷福也。○上崩。后與王繼恩謀立楚王。名元佐。上長子。呂端知之。亟白于后。乃奉太子即位。垂簾引見羣臣。呂端平立不拜。請捲簾升視。乃下拜。

真宗皇帝

名元侃。更名恆。太宗三子。初封壽王。二十五年。咸平景德天禧大中祥符乾興六號。遣

熙寧以前小人難知

李沆引燭焚詔

李沆無密奏

明王之治愛民  
得卿無西顧憂  
陳恕不進府庫條目

使除天下逋欠一千餘萬。釋囚三千餘人。用王欽若之言也。呂氏曰。漢唐之小人易知。宋之小人難知。熙寧後之小人易知。熙寧前之小人難知。如欽若。丁謂之奸。其與君子何異哉。○李沆平章事。上一夕持手詔欲以劉美人為貴妃。沆對使者引燭焚詔曰。但道臣沆以為不可。事遂寢。○上嘗問李沆無密奏。沆曰。公事則公言之。何用密為。○召終南隱士种放為司諫。詢以政。放曰。明王之治。愛民而已。○張詠知益州。有異政。上曰。蜀有卿。朕無西顧之憂矣。○上命陳恕條具中外錢穀以聞。恕久不進。上讓之。恕曰。陛下富于春秋。若

三居相位

田錫直臣

人主當使知  
四方艱難

此參政他日  
之憂  
李沆不用丁  
謂

知府庫充。恐生侈故也。○呂蒙正辭相歸，宋之三居  
相位者，蒙正趙普耳。○田錫左拾遺悉焚生平奏錄，曰。  
可藏此以買直乎。及卒，上惻然曰：錫直臣也。天何奪  
之速耶。○李沆日奏四方水旱盜賊，王旦以為細故。  
沆曰：主上年少，當使知四方艱難，不然血氣方剛，不  
留意聲色犬馬，則土木甲兵禱祀之事作矣。吾老不  
及見此，參政他日之憂也。○丁謂與寇準善，準薦謂  
于沆。沆曰：顧其人，可使位人上乎。準不然。沆笑曰：他  
日後悔，當思吾言。○李沆曰：沆為相，論語中節用愛

聖言終身誦  
之

寇準宰相材

了此不過五  
日  
賦詩退虜

人一句。尚未能行。聖人之言，終身誦可也。○李沆治  
第，僅容旋馬。或謂其太隘。沆曰：為宰相廳，誠隘。為太  
祝奉禮廳，則寬矣。及卒，諡文靖。按沆免齊賢一事，乃白璧微瑕耳。  
初，畢士安薦寇準忠義宰相材也。至是俱相。○契丹  
侵澶州。今大寇準飲笑自如。言于上曰：了此不過五  
日。願駕幸澶州。羣臣不可。獨高瓊曰：君輩能賦詩退  
虜耶。遂勸上幸澶。河北諸軍皆歡呼萬歲。聲聞數十  
里。契丹氣奪。準欲令獻幽薊之地。以上方苦兵。適契  
丹請盟。準不得已聽之。約歲納幣三十萬于契丹。以

南北弭兵

孤注

霍光傳不可不讀

張公諭我

天書降于承

天門

王旦得毋不可乎

此酒極佳

南朝為兄。北朝為弟。各還。自是南北弭兵。準之力也。準自澶歸。頗矜其功。王欽若譖于上曰。陛下聞博乎。輸錢欲盡。乃盡出所有。謂之孤注。陛下寇準之孤注也。斯亦危矣。上乃出準知陝州。張詠曰。霍光傳不可不讀。準歸取讀之。至不學無術句。笑曰。張公諭我矣。○寇準用人。不置例簿。曰。宰相期進賢耳。例簿何為。○天書見承天門之鴟尾。王欽若所為。王欽若請封禪。上曰。王旦得毋不可乎。按旦王祐子。祐為官不阿。嘗曰。祐不做。我兒必做。乃手植三槐于庭。曰。後必為三公者。乃以酒賜旦。因語曰。此酒極佳。可歸與。

孫奭議天書之非

相公何故不在中書

北門鎖鑰

孫奭諫西祀

朝廷有人五鬼

妻孥共之。及發。皆美珠也。且由是不敢異議。而封禪遂成。獨孫奭學曰。天何言哉。况有書乎。上默然。○寇準知天雄軍。契丹使過之。曰。相公望重。何故不在中書。準曰。主上以朝廷無事。北門鎖鑰。非準不可耳。準言而威契丹。重朝廷且諱主上之失。真純臣哉。○孫奭諫西祀曰。纔畢東封。又議西幸。方今野雉山鹿。並形奏簡。秋旱冬雷。率皆稱賀。夫國將興。聽于民。將亡。聽于神。可不思哉。上雖嘉其忠。而不從。○夏州飢。趙德明保吉子求粟。王旦令自詣京師取。德明曰。朝廷有人。乃止。○時五鬼媚上。

文靖真聖人

陳彭年號九尾狐

夷簡宰相材

寇準愧歎以為不可及  
吾榜得人最多

橫行。王欽若。丁謂陳彭年。劉承珪。林特。王旦欲諫。業已同之。欲去。則上遇之厚。追思李沆先識。歎曰。文靖真聖人也。○陳彭年性好佞。時號九尾狐。○呂蒙正卒。上幸其第。曰。卿諸子孰可用。對曰。有姪夷簡。宰相材也。祁奚之薦夷簡。四子皆得聖賢之公心者也。○寇準數短王旦。而旦專薦準。上時言于準。準乃愧歎為不可及。○丁謂嘗言。吾榜得人最多。李沆寇準。王旦。○張旻以治兵太峻。激變。上欲罪之。王旦曰。若罪旻。今後帥臣何以禦眾。欲罪兵。又懼驚眾。不如擢旻使解兵柄。反側自安。

王旦善處大事

王旦真宰相

王子明遲我十年作宰相

可惜張師德

真宰相之言

矣。上從之。兵果安。上曰。王旦善處大事。真宰相也。○上欲相王欽若。王旦曰。臣見祖宗朝。未有南人當國者。乃止。及旦罷。欽若遂入相。語人曰。為王子明。旦遲我十年作宰相。○旱蝗。李迪請罷營造。乃雨。蝗赴海死。○王旦為相。言無不從。凡有奏請。上輒曰。王旦以為何如。旦凡薦人。人未嘗知。張師德兩謁不見。旦曰。可惜張師德。吾向稱其有士行。不意爾及吾門也。○薛奎轉運江淮。王旦曰。東南民力竭矣。奎退曰。真宰相之言。○王旦疾。上親調藥。臨終。謂子曰。我則無過。

得天書乾祐山

會食拂鬚

王會調和兩宮

目中久不見寇準

獨不諫天書一事。命諸子削髮披緇以斂。楊億以為不可。乃止。○加向敏中左僕射。上意敏中賀客必多。密使人覘之。門闌悄然。庖中寂無一人。上笑曰。敏中大耐官職。○寇準得天書乾祐山。巡檢朱能造。上迎入禁中。準乃復相。準為相。丁謂事之甚恭。嘗會食。羹汚準鬚。謂起拂之。準笑曰。大臣乃為官長拂鬚耶。謂慚恨。遂隙。○上瘋疾。事決于太后與太子。中外以為憂。賴王會調和兩宮。○丁謂私貶寇準知湘州。上不知。問曰。目中何久不見寇準。羣臣莫敢對。○丁謂擅權。請

王會正色立朝

居停主人勿復言

王會計去丁謂

太后非大事。但令內侍傳奏。王會曰。兩宮異處。而柄歸宦官。禍端兆矣。獨會正色立朝。時倚為重。○丁謂貶寇準雷州司戶。王會論之。謂曰。居停主人勿復言。會嘗以宅假準故也。

仁宗皇帝

名禎。真宗六子。四十二年。天聖明道景祐寶元康定慶曆皇祐至和嘉祐共九號。王

會言丁謂包藏禍心。貶崖州司戶。道經雷州。準絕不見。初丁謂貶寇準。命宋綬草詔曰。春秋無將。漢法不道。至是綬即曰。無將之戒。舊典甚明。不道之辜。常刑罔赦。朝論快焉。初寇準被貶。京師語曰。欲得天下寧

枯竹盡生笋

仲淹尚風節

孫奭進無逸

魚頭參政

人臣當引君  
以堯舜

當拔眼前丁。欲得天下好。莫如召寇老。不數月。謂亦  
 貶。人皆謂天道報復之速也。○寇準卒。歸葬西京。人  
 皆設祭于道。折竹植地。掛紙錢焚之。踰月。枯竹盡笋。  
 眾因立廟。號竹林寇公祠。○范仲淹尚風節。晏殊知  
 宣州。今寧國府延之教生徒。後薦仲淹祕閣校書。○龍圖  
 學士孫奭進無逸圖。上嘉納之。○魯宗道剛直貴戚  
 憚之。目為魚頭參政。以魯姓。且骨鯁。○劉太后崩。上始親政。  
 ○廢郭后。孔道輔學士。孔子四十五代孫。不可。呂夷簡曰。有漢  
 唐故事。道輔曰。人臣當引君堯舜。豈宜引漢唐為法。

范仲淹上百  
官圖

四賢一不肖  
詩

王會志不在  
溫飽

王會不欲恩  
歸已

耶。且大臣事唐。如子事父母。父母不合宜諫。奈何順  
 父出母哉。乃黜道輔。○范仲淹以呂夷簡進用者多  
 出其門。乃上百官圖。指示曰。如此為序次。如此為不  
 次。夷簡不悅。遂貶仲淹知饒州。○歐陽修。余靖。尹洙。  
 以救仲淹俱貶。蔡襄作四賢一不肖詩。人士傳焉。○  
 王會卒。會三試皆第一。宋三試第一者三人。宋庠。王會。馮京。人曰。狀元  
 試三場。一生喫著不盡。會曰。平生志不在溫飽。○王  
 會進退。人莫之知。范仲淹曰。公盛德。獨少汲引耳。  
 會曰。執政而令恩歸于己。怨將誰歸耶。會輔幼主。當  
母后專政之

王會社稷臣

腹中數萬兵

任福違琦節

懸哨家鴿

龍圖老子

富弼使契丹

榮辱之言感

悟

富弼却割地

求婚

百步車要卷三

秋而身名兩全。可謂社稷臣矣。○趙元昊保吉孫稱帝國號夏寇延州

范雍以敗貶令范仲淹代之夏兵相戒曰小范老子

腹中有數萬兵不比大范老子可欺也○夏兵寇渭

州任福違韓琦節制輕進遇敵于道傍得數盒發之

乃懸哨家鴿飛起夏兵四合福戰死○范仲淹知慶

州約束諸羌悉親愛之呼為龍圖老子○契丹來求

關南地上使富弼往諭曰北朝以得地為榮則南朝

以失地為辱兄弟之國可分榮辱乎契丹主曰吾故

土也弼曰幽薊十六州獨非南朝故土弼反覆辨諭

富弼却獻納  
二字

天下稱為韓  
范

三人忠誠剛  
直

契丹心折乃請和親弼止許增幣弼還上復使持和

親增幣二議往弼至藏和親約但示增幣契丹欲得

獻納字弼曰有兄而稱獻納于弟乎力却之按弼往

得家書輒焚之乃曰徒亂人意耳故能成功契丹○韓琦范仲淹安撫陝西

二人號令嚴明羌不敢犯謠曰軍中有一韓西賊聞

之心膽寒軍中有一范西賊聞之驚破膽天下稱為

韓范○以蔡襄歐陽修王素知諫院余靖為右正言

襄曰三人忠誠剛直但恐邪人禦之耳然禦之術有

三不過曰沽名干進彰君過爾惟上察之○歐陽修

百步車要卷五

宋紀

海山仙館叢書



歐陽修進朋黨論

歐陽修何處得來

良醫壽民

慶歷聖德詩

仲淹上十事

富弼上安邊

十三策

韓琦陳救弊

八事

一筆句之

進朋黨論修論事每切直上嘉其敢言曰如歐陽修者何處得來○罷夏竦而用韓琦范仲淹蔡襄曰陛下既得良醫當信任不疑斯能壽民苟術不盡用雖有和扁難責效矣○石介作慶歷聖德詩衆賢之進如茅斯拔大奸之去如距斯脫其師孫復聞之曰介禍始于此矣○開天章閣引輔臣入對范仲淹上十事富弼上當世之務十條安邊十三策韓琦陳救弊八事上悉納之○范仲淹閱班簿司監之不才者一筆句之弼曰一筆句一家哭矣仲淹曰一家哭何如一路哭耶

女奴陰習介書

一網打盡

富弼賑飢

狄青良將材

○胡瑗教授湖州能明經義敦寔學詔取其法著為定式○夏竦恨石介詩乃使女奴陰習介書初介勸弼等行伊周之事至是令改伊周為伊霍又偽作介為弼等撰廢立詔草以聞弼等俱斥○蘇舜欽議論多傾權貴王拱辰等嫉之劾其以妓樂娛賓被斥者十餘人皆知名之士拱辰曰一網打盡矣○富弼知青州河北京東大水流民就食存活甚衆上加禮部侍郎弼曰此臣職也敢受賞乎○狄青數立奇功范仲淹曰良將也授以左氏春秋曰將不知古今匹夫

狄青折節讀書

本朝人物第一

豐年為瑞

唐介直聲震天下

勇耳。青乃折節讀書。○歐陽修上疏曰：杜衍、范仲淹、韓琦、富弼，不聞有可罷之罪，恐謀臣不用，敵國之福也。羣小懼修，乃左遷知滁州。○范仲淹卒，諡文正，好施予，置義田以贍宗族，海內敬慕其德，惜當朝不久，莫能成先憂後樂之志。宋朝人物當以仲淹第一。○詔定雅樂，時黃鍾聲鬱，劉義叟曰：此謂害金上將病心腹矣，果驗。○茹孝標獻芝草，上曰：朕以年豐為瑞耳，免其官，以絕天下獻瑞者。○唐介劾文彥博私通宮掖，上怒貶介，介由是直聲震天下，士大夫稱真御史，必曰：唐子方

鐵面御史

將相得人  
范鎮請建太子

彥博長者  
安敢自附梁公

介之劾雖直矣。恐彥博無是事。○趙抃彈劾不避權倖，京師目為鐵面御史。○文彥博富弼平章事，士大夫慶于朝，會契丹使至，謂王德用曰：天子以公為樞密，而用富公為相，將相皆得人矣。○上乏嗣，范鎮請立宗室。畧云：太子而立太宗，天下之大公也。真宗養宗子于宮中，天下之大慮也。願以太祖之心，行真宗故事，可乎。疏屢上，待命百餘日，鬚髮皆白，朝廷知不可奪，乃罷諫職。○文彥博語上曰：唐介論臣雖訛，其直足取也。上復召知諫院，時稱彥博長者。○有持狄梁公像獻狄青，誑為遠祖，青曰：安敢自附梁公也，遣之。○包

拯知開封府。京師語曰：關節不到，閻羅包老。人以其笑比黃河之清。○歐陽修知貢舉，痛抑澆薄文體，自是少變。○張昇指切時弊，上曰：卿孤立，乃能如是。昇曰：臣仰托聖主，是為不孤。陛下之臣謀國者少，竊謂陛下孤立耳。○王安石臨川人舉進士，遂有矯世變俗之志。上萬言書，上悅，採之。○富弼丁母艱，上五起之，弼固請終制。○司馬光知諫院，進劄子三，規五，上深納之。○上曰：朕昨不味思食燒羊，恐遂為例。故忍一夕之飢，嘗有獻蛤蜊二十八枚，枚值錢千。上曰：一下

變俗之志  
安石萬言書  
何如  
富弼請終喪  
司馬光三劄  
五規  
恐遂為例

人事非面受  
旨不可  
王珪真學士  
仁宗至仁之  
主  
韓琦危言動  
太后

筋費二十八千，吾不堪也。○京師疫，太醫進方，苦無犀角，上出通天犀二，賜之，曰：豈珍異物而賤吾民哉。○蘇轍對策過直，或請黜之。上曰：求直言而以直黜，天下謂我何。○上乏嗣，詔以從兄懿王子曙為皇子，召王珪作詔。珪曰：此大事，非面受旨不可。歐陽修聞之，曰：珪真學士也。○上崩，雖深山窮谷，莫不悲號。宗為宋仁主，雖有廢郭后一事，不足為全璧也。  
英宗皇帝名曙，仁宗養子，更名宗寔，四年，號治平。上疾，曹太后攝政，為內侍所間，相隙。韓琦以危言動太后，曰：聖躬若失調，太

此常事不足道

韓琦請太后還政

韓公必自有說

后不得辭其責。后驚曰：是何言！我心更切也。復見上。上曰：太后待我少恩。琦曰：舜獨稱大孝，餘豈盡不孝哉！父母慈而子孝，此常事，不足道。惟父母不慈而子亦孝，乃足稱耳。上大感悟。韓魏公以一言感悟，卒以慈孝聞其功偉矣。○韓琦請太后還政。太后起，琦即命左右撤簾，簾落，在于御屏後，見太后衣。○初，兩宮相隙，皆內侍任守忠間之。一日，韓琦出空頭勅一道，歐陽修已簽，趙概難之。修曰：韓公必自有說。既而召守忠數其罪，謫蘄州。取勅與之，即日押行，恐少緩則生變也。中外快心。

司馬光奮筆

文章名冠天下

事三朝皆以六事獻平生學力盡在是人臣當盡力事君富韓並著勲業

議奉懿王禮。司馬光奮筆曰：宜稱皇伯。衆論是之。獨歐陽修不可。卒從修議。稱懿王為親，夫人為后。衆論不服。修力求退，苦心韓愈遺稿，遂以文章名冠天下。神宗皇帝名頊，英宗子，十八年，熙寧元豐二號。以司馬光為學士，知制誥。辭曰：不能四六，強之乃就職。上疏論主術之要三：仁、明、武。治術之要三：任官、信賞、必罰。因曰：臣侍三朝，皆此六事。平生學力盡在是矣。○韓琦處危疑之際，知無不為。曰：人臣惟求盡力，至于成敗，天也。與富弼並著勲業。故時稱賢相必曰富韓。○以趙抃參知政事。

琴鶴自隨

為治擇術為先

詔封太祖後

常袞辭堂饌

不加賦而國

用足

桑宏羊欺武

帝之言

策

上曰聞卿匹馬入蜀以一琴一鶴自隨為治簡易亦稱是乎○詔學士王安石越次入對上問為治何先對曰擇術為先上問唐太宗何如主對曰陛下當法堯舜何以太宗為哉○詔封從式太祖會孫德芬孫也舒國公奉太祖祀○上南郊羣臣以國用不足乞勿賜金帛王安石曰常袞辭堂饌當時非之上賜臣御食曰堂饌常袞唐宰相也且善理財者不加賦而國用足司馬光曰夫財不在民則在官設法奪民害甚加賦此桑宏羊欺武帝之言也○王韶上平戎策安石以為奇乃啟熙河之役

安石以為奇

謀

神宗始開熙

河之役

天

人君所畏者

宰相自有度

經術所以經

世務

人才難得亦

難知

禽鳥得氣之

先

○上以災避殿減膳王安石言其非關人事富弼歎曰人主所畏者天苟不畏天將何不可為乃極諫之○上欲相安石唐介曰宰相自有度安石狷狹少容而濶議無寔必欲求賢相呂公著司馬光韓維其人也上竟相之語曰人言卿知經術不知世務安石曰經術所以經世務也○王安石立新法大率皆權利之計言于上曰人才難得亦難知要當不為眾論所惑○初邵雍于天津橋聞杜鵑聲曰洛陽舊無杜鵑今至焉夫禽鳥得氣之先則南方之氣至矣上必用南人作

劉恕不習金穀為辭  
天下自此多事  
恢張堯舜之道

士大夫皆稱得人  
呂誨獨言其不可  
袖中彈文乃新參  
君寔亦為是言  
呂誨畧疏十事

誤天下蒼生必斯人  
三居三黜  
韓琦乞罷新法  
治天下如治室  
葉祖洽以附會首選  
君輩坐不讀書  
何書可讀  
天下事非一家私議  
何書可讀

相多引南人。天下自此多事矣。至是果驗。○王安石與劉恕善。欲引置三司。恕以不習金穀為辭。因曰。公欲恢張堯舜之道。不應以利為先。安石遂與之絕。○詔劉彝等八人分斂天下。○蘇轍諫青苗法。苗青時貸以錢候熟出厚息償之。○王安石執政。士大夫皆稱得人。呂誨獨謂不可。將入劾。司馬光問何事。誨曰。袖中彈文乃新參也。光愕然曰。衆喜得人。奈何論之。誨曰。君亦為是言耶。因書安石十事。大好似忠。大詐似信。誤天下蒼生者。必斯人也。誨乃被黜。誨三居言職而三見黜。人

服其直。○范純仁。仲淹子言王安石變法害民。乞退之。不聽。遂求罷職。執政諭之曰。毋輕去。已除知制誥矣。曰。言不用。萬鍾非願也。○韓琦乞罷新法。上曰。信然。如坊郭之民。安得青苗。乃強與之。上雖疑其法。而終不能革。○司馬光極言變法之非。曰。治天下如治室。非大壞不更造也。上欲大用光。為安石阻。不果。光曰。陛下誠止青苗法。雖不用臣。臣受賜多矣。○葉祖洽以附新法策士居首。○趙抃數言新法不便。王安石曰。君輩坐不讀書耳。抃曰。臯夔稷契有何書可讀。○

天下事非一家私議  
安石愧屈

熙寧三舍人

呂獻可之先見

范景仁之勇決

蘇軾三言

程顥赴中臺議事。王安石方怒言者。厲色以待。顥曰。天下事非一家私議。願平氣聽之。安石愧屈。顥乞罷。許之。○蘇頌。李大臨。宋敏求。以論新法。並落職。天下謂之熙寧三舍人。○司馬光上疏曰。臣之不才。最出羣臣下。先見不如呂誨。公直不如范純仁。程顥敢言不如蘇轍。孔文仲勇決不如范鎮。今羣臣許歸。乞依例致仕。許之。○蘇軾號東坡上言。陛下求治太急。聽言太廣。進人太銳。願鎮以安靜。上曰。朕當熟思。○鄧綰以附新法得幸。人皆嗤之。綰曰。笑罵由他罷。好官自

呂誨以疾喻政  
天下事尚可為  
鮮于侁三難

唐垌疏論安石

唐垌慷慨自若

世稱三劉  
立太學三舍

我為。○呂誨言。臣本無宿疾。偶值醫者用藥乖方。遂成瘋痺。病危。語司馬光曰。天下事尚可為。君是勉之。目遂瞑。○利州民不受青苗錢。王安石讓鮮于侁。利州。侁曰。民自不願。豈能強之。蘇軾稱其上。不害法中。不廢親。下不傷民。是為三難。○唐垌叩陛奏疏。凡六十條。大聲宣讀之。慷慨自若。乃貶垌。○立太學三舍。初為外舍。次為內舍。終為上舍。○劉攽能文。與兄敞。敞子奉世。名相。擢。世稱三劉。攽以諫新法貶。○周敦頤號濂溪。嘗著太極圖說。通書。學行冠世。頤舅鄭向。簿分寧。縣名。有獄久

老吏不若

鄭俠繪流民

圖

神宗罷新法十八事

傳法護法

鄭俠取傳為

兩軸

正直君子

言責在監門

不決。頤至。一訛立辨。邑人驚曰。老吏不若也。○旱。飢民困于征求。流離載道。鄭俠繪流民圖。發馬遞上。上聞長吁數四。即罷新法十八事。是日大雨。呂惠卿泣于上。而新法復行如故。○王安石以言者甚眾。乞罷相。薦韓絳。呂惠卿以代。時號絳為傳法沙門。惠卿為護法善神。○鄭俠疏論呂惠卿朋奸壅蔽。仍取唐魏徵。李林甫傳為兩軸。題其外曰。正直君子。邪曲小人。乃貶俠。楊國信謁俠曰。御史緘口不言。而君獨疏論不已。是言責在監門。而臺中無人也。因取名臣諫書

以此為正人助

漢文何如主

文帝加有才一等

須王安石三經新義

櫪馬皆驚

二帙。授俠曰。以此為正人助。○上問王安石曰。漢文何如主。對曰。三代來未有也。上曰。但恨其才不能更法耳。對曰。文帝以德化民。殆加有才者一等矣。安國嘗力諫新法。謂兄之誤其主。○王安石復入相。詔頒安石所修詩書周禮新義。即今文章之制。于學官分經取士。獨春秋一義。目為斷爛。不以取士。後因羣議。乃復春秋取士法。○魏國公韓琦卒。前一日。大星殞州治。櫪馬皆驚。上悼之。自製碑文。載琦大節。因篆其首曰。兩朝顧命定策元勳之碑。○契丹改號遼。遣人來



賢者盡力之秋

議疆事。詔韓縝如河東割地七百里界之。○上以星  
孛求直言。語王安石曰。聞民苦新法。安石曰。祁寒暑  
雨。民猶怨之。此無足恤。時王安禮安石弟上言大臣乘  
權。故干陰陽而召星變。上覽之嘉歎。呂氏曰。司馬光  
言安石三不足  
天變不足懼。人言不足恤。祖宗不足法。由  
此觀之。寔有四不足。將民怨亦不足恤矣。○司馬光  
惡呂惠卿。嘗讀漢史。至張釋之論畜夫利口。乃曰。孔  
子惡利口之覆邦。固以是哉。蓋以譏惠卿也。○邵雍  
號堯夫遊學四方。久之幡然來歸。曰。道在是矣。時新法  
行。吏士每引去。雍曰。此賢者盡力之秋。新法固嚴。能

寬一分則民受一分之賜

堯夫內聖外王之學

撤坐輟講

關中士人宗師

與孟子性善養氣之論同功

寬一分。則民受一分賜矣。引去何為。雍為學。堅苦刻  
勵。冬不爐。暑不扇。夜不就枕者數年。程顥嘗與議論  
曰。堯夫內聖外王之學也。卒諡康節。○張載號橫渠善經  
書。終日危坐一室。每仰思有得。則識之。或中夜起坐。  
取燭以書。嘗坐虎皮講易。及見二程。兄程顥。號明道。  
弟程頤。號伊川。深明易道。即撤坐輟講。命諸生轉師之。後舉進士。知  
雲岩。以新法不合。隱居南山。學古力行。為關中士人  
宗師。所著正蒙東西銘行世。程顥嘗言西銘。與性善  
養氣之論同功。○上語呂公著釋老之事。對曰。非堯

堯舜惟知人安民

一路福星

舜所知也。堯舜惟以知人安民為難耳。○蘇軾每以詩諷上。御史李定舒亶聞于上。遂貶軾。尋下獄。詩律上嚴法日。讀書萬卷不讀律。致君堯舜終無術。諷上興水利日。東海若知明主意。應教斥鹵變桑田。諷上禁民鹽日。豈是聞韶解忘味。邇來三月食無鹽云。賴曹太后及王安禮力救行免。後王珪舉詠檜詩。劾其不臣。上曰。彼自詠檜耳。何預朕事。○以鮮于侁轉運京東。司馬光曰。此一路福星也。安得百子駿。侁字。布列天下乎。侁至京東。奏罷新法。大不便數事。而民大悅。○馮京乞罷歸。初不容于王安石。復見傾于呂惠卿。而中立不倚。人服其操。

人才半為司馬光所壞。蒲宗孟不取司馬光。惟此一人。文郁方尉遲敬德。司馬光上資治通鑑。

太后罷新法十餘事。

○上嘗歎無人才。蒲宗孟曰。人才半為司馬光所壞。上曰。宗孟乃不取司馬光耶。朕見辭樞密一節。惟此一人。宗孟慚。○夏人入寇。王文郁率死士百餘敗之。時以方之尉遲敬德。○司馬光編資治通鑑。上曰。前代未有此書。過荀悅漢紀遠矣。按神宗廟周程石。其登斯世于唐虞無難矣。張邵以道學顯。哲宗皇帝。名煦。神宗太子。十五年。太后臨朝。英宗詔罷新法十餘事。○高遵裕太后叔父有罪當誅。令西征自贖。蔡確請復其官。太后曰。得免誅幸矣。敢言官乎。確慚。

天下謂為真宰相  
衛士以手加額  
留相天子活百姓

天下拭目觀新政  
拯溺救焚  
論節孝先生

退。○司馬光居洛十五年。天下謂為真宰相。至是人臨也。臨喪。衛士望見。皆以手加額曰。此司馬相公也。遮道聚觀。不得行。皆曰。願留相天子。活百姓。太后問為政何先。對曰。開言路。○王珪卒。時號三旨宰相。初曰旨。繼曰領聖旨。終曰奉聖旨。譏其無所建白也。○司馬光為門下侍郎。時號參知政事。天下拭目觀新政。光言新法非先帝本意。改之當如拯溺救焚。况太后以母改子。何待三年乎。眾議乃定。○賜楚州孝子徐積粟帛。謚節孝先生。積父名石。終身不用石器。遇石不敢踐。其孝類如此。○呂公

呂公著上十事

中國相司馬  
三代兵農為一

蔡京獨如約

著上十事。與司馬光同心輔政。而吏民懼呼。○程顥留心經濟。嘗曰。新法之行。寔吾黨激成之。豈可獨罪安石也。及卒。文彥博題其墓曰。明道先生。○司馬光為尚書左僕射。時改平章事名此。遼人勅其邊吏曰。中國相司馬矣。毋妄開邊釁。○蘇軾論差役法曰。三代兵農為一。至秦始分。民不知兵。兵不知農。農出穀帛養兵。兵出性命衛民。由來便之。公欲行差役法。是罷征卒而復民兵。恐未便也。司馬光不可。命差役之行。定期五日。同列病其太迫。蔡京獨如約。光喜曰。人人奉法

蘇軾至言

此法終不可  
罷

蘇軾草制

天下傳誦稱  
快

如公則何不可。○范子淵開河無功。會蘇軾草詔以  
畧云。以有限之財。與必不可成之  
役。驅無辜之衆。置之必死之地。時稱至言。○王  
安石聞罷助役法。愕然曰。此法終不可罷。○詔文彥  
博為致仕宰相。六日一朝。兩月一赴經筵。時年八十七。會蘇  
軾草制竄呂惠卿。畧云。以聚斂為仁義。以法律為詩  
書。首建青苗。次行助役。均輸之政。  
下同商賈。手寔之禍。察及雞豚。姑寬兩觀之誅。  
薄示三苗之竄。○手寔。令民手具戶口寔也。天下  
傳誦稱快。○司馬光病篤。不復自覺。諄諄如夢中語。  
然皆天下事也。及卒。太后及上大慟。京師罷市往弔。  
四方皆畫像以祀。哭之如私親。光嘗言平生所為無

所為未嘗不  
可對人言

陝洛皆化其  
德

蘇軾奇才

金蓮送蘇軾  
歸院

光鎮易地則  
皆然

君德成就責  
經筵

不可對人言者。陝洛皆化于其德焉。○蘇軾每侍讀。  
至治亂之際。輒反覆開導。太后曰。先帝每誦卿文章。  
必歎曰。奇才。奇才。但未及大用耳。軾泣下失聲。后與  
上亦泣。乃命坐賜茶。撤御前金蓮燭送歸院。○范鎮  
致仕。鎮恭儉慎默。口不言人過。其學本六經。決大義。  
臨大節。雖萬乘前無所屈。人曰。范景仁。鎮字。司馬君寔。  
光易地皆然。○程頤請坐講禮。曰。天下重任。惟宰相  
經筵。天下治亂。係宰相。君德成就。責經筵。頤在經筵。  
多用古禮。蘇軾嫉其不近人情。遂相修隙。于是有洛

洛黨蜀黨胡  
黨  
范祖禹不立  
黨

洛黨應敵之  
兵

人衆虎寡

數十人而制  
千虎

蘇轍諫調停

黨程頤爲首宋蜀黨蘇軾爲首呂胡黨劉摯爲首之  
光庭等輔之陶等佐之語惟范祖禹司馬光不立黨劉氏曰漢之黨以不賢  
之黨俱賢然頤無心于黨特其門人爲之耳至軾則  
有心攻人矣譬之兵家胡黨自守之兵洛黨應敵之  
兵而蜀黨則爲常安民遺呂公著書曰去小人不難  
勝小人難耳常見猛虎負嵎卒爲人勝者人衆而虎  
寡也奈何以數十人制千虎乎公著得書默然○時  
熙豐舊臣多懷怨望呂大防欲稍引用以平夙怨謂  
之調停蘇轍獨不可乃止○梁燾好引進人才或曰  
公所植桃李乘時而發但不向人開耳○高太后崩

女中堯舜

祖禹經世之  
文

祖禹講官第  
一

語羣臣曰老身歿後必有調戲官家者公等亦宜早  
退毋爲奸邪所傾因各令吃社飯一匙曰明年社飯  
時思老身也宜仁后召故臣罷新法絕私○上初親  
政范祖禹上疏曰陛下方攬庶政必有小人進言謂  
太后不當改先帝政逐先帝臣此間言不可聽也蘇  
軾方具疏草見祖禹疏曰經世之文也遂附名奏不  
報○楊畏言宜述神宗舊政舊臣上卽召用章惇呂  
惠卿等復內侍六人職蘇軾范純仁泣諫不聽乞罷  
歸○范祖禹乞罷禹守正多獻納蘇軾稱爲講官第

追貶元祐宰  
執問宋朝家法  
遠過漢唐其  
詳何如  
田畫責鄒浩  
何如  
上所當為而  
未止此

一。○章惇入相。大引其黨。欲發司馬光呂公著塚以  
許將諫止。○王安石配享神宗廟。○廢孟后。初高后以孟后賢立之。且歎曰。惜其福薄耳。追貶司馬光等秩。在朝直諫者皆被斥。章惇欲誅元祐黨人。許將曰。本朝遠過漢唐。以未嘗誅戮大臣也。上然之。○薛昂等乞毀資治通鑑板。賴陳瓘引神宗序文以言。得不毀。○田畫與鄒浩以氣節相厲。及廢孟后。畫語人曰。志完浩字。不言。可絕交矣。浩果以諫遠竄。畫送之曰。願君毋以此自滿。士所當為。未止此也。遂泣別。

蔡京足以兼  
二人  
世濟忠直  
半歲間上百  
八疏  
鄧洵武獻愛  
莫助圖  
刻石于端禮  
門

徽宗皇帝名佶。神宗十一子。哲宗無子立之。二十六年。建中靖國崇寧大觀政和重和宣和七號。  
向太后神宗后攝政。詔盡復元祐所貶官秩。而章惇等俱罷。悉革其法。○曾布為相。弟肇學士曰。章惇蔡卞之奸。蔡京足以兼之。可不嚴杜乎。布不聽。竟用京。○流星入尾。西北有赤黑氣。散為白。任伯雨曰。此夷狄竊發兆也。○上賜范純仁墓碑曰。世濟忠直。○任伯雨居正言官。半歲上疏百八。曾布密諭以少默。伯雨論益力。坐貶。○鄧洵武獻愛莫助圖。極口稱蔡京。上乃相京。○向太后崩。蔡京復貶司馬光等秩。籍其黨百

海內稱其正直  
乞免鑄安民  
二字

朱勛領花石  
綱

劉達請毀元  
祐黨人碑

二十人立奸黨碑有石工安民曰民愚不知立碑之意但如司馬相公海內稱其正直今謂之奸邪民不忍刻也因泣曰乞免鑄安民二字于石末恐得罪後世○王安石配享孔子廟位次孟軻○上好花石蔡京以朱勛典花石綱凡民間一石一木堪玩者即以黃帕覆之每撤屋掘墻以出時民咸指花石為不祥芟之恐後○孛星見劉達請毀元祐奸黨碑上從之○宋初制六科取士後以十科取士至是詔以八行取士○程頤及門多名士而謝良游酢楊時呂大臨號

程門四先生  
程頤晚得二  
士  
陳禾引落帝  
裾  
留衣旌直臣  
執中猶蚊負  
山  
林攄不識甄  
徹字

為程門四先生嘗曰吾晚得二士張繹○陳禾請竄童貫蔡京上拂衣起禾引落上裾上曰正言時禾為右正言碎朕衣矣禾曰陛下不惜碎衣臣豈惜碎首內侍請易衣上曰留此以旌直臣明日謫禾○何執中入相陳朝老曰執中而相猶蚊負山也言不勝任○久旱彗見上相張商英彗沒即雨上書商霖二字賜之○林攄中書于御前唱貢士姓名不識甄徹字上笑曰卿誤矣攄不謝而退乃黜○女直國稱帝更號金其地在遼外○方士林靈素善妖幻上寵之大興道教冊上為道君

小官何敢論  
大事  
愛君之心一

吾道南

游揚立雪

宋昭諫伐遼

教主皇帝。○蔡攸京子媚上曰。人主當以天下為娛。上令苑中多為村房。盛聚異類。每靜夜。禽獸聲徹。宛若山林間。○上每微行。曹輔諫焉。余深曰。輔小官。何當論大事。輔曰。大官不言。故小官言之。官有大小。愛君一也。竟貶輔。○楊時師事程顥。甚篤。一日歸。顥目送之曰。吾道南矣。後又師事程頤。頤一日瞑坐。時與游。醉並侍。及頤覺。則門外雪深三尺矣。○蔡攸權勢軋。父子各立門戶相敵。○宋江等三十六人寇京東。莫有能格者。○詔合金攻遼。宋昭曰。金限于遼。猶虎

鄭居中辭魯  
不拜  
有狐升御座  
而坐  
李綱刺血上  
書

南朝可謂無人

狼之限于阱也。合金攻遼。是去陷阱而懷虎狼也。求無吞噬得乎。上不聽。○滅遼。金主約以燕薊六州與宋。宋許金歲幣百萬。○詔班北伐賞。獨鄭居中不拜。○有狐升御座而坐。男子孕婦人鬚之異。○金人南寇。上欲東幸避之。李綱刺血上書。乃止。  
欽宗皇帝名桓。徽宗子。二年號靖康。陳東生上疏言金兵皆六賊。蔡京。梁師成。李彥。朱勔。王黼。童貫。所致。請斬之。○金兵濟河。笑曰。南朝可謂無人。使以千百人守此。我豈得飛渡耶。○金兵圍汴。宋將無敢抗者。獨李綱奮身禦之。稍退。上以張



罷李綱以謝金人

李綱獨憂

許翰書杜郵二字遺綱

天下稱為老種老將收功

邦昌奉康王構質于金。求成。因罷李綱以謝。陳東率都人聞鼓喧呼。乃復綱官。割三鎮畀金。金人乃班師。李綱獨憂。謂金必復來。數上邊計。不用。及太原圍急。上遣李綱援之。許翰書杜郵二字遺綱。杜郵在咸陽縣。秦白起刎于此。時耿南仲欲害綱。故許翰遺之。綱不得已受命入對。曰。臣行無復還理。願察臣孤忠。以全君臣之義。○種師道年高。天下稱為老種。上欲罷之。許翰曰。呂望以來。如王翦。趙充國。老將收功者。多上不聽。○尹焯。紹聖初應舉。見發策不善。不對而去。歸告母。母曰。吾欲汝以善養。

善養祿養賢哉母

安國封還辭頭

張叔夜帥師入衛

南朝惟李侍郎一人  
宗澤死中求生

不欲以祿養。程頤聞之曰。賢哉母也。○廢王安石廟祀。而誅蔡京等。以楊時陳東之諫。○胡安國入對甚切。耿南仲嫉之。因罷李綱。安國封還辭頭。坐貶。○何臬言三鎮不可割。曰。河北皆吾赤子。奈何棄以與敵也。○金兵圍汴。勤王師無一至者。獨張叔夜帥師入衛。○金誘宋議和。上如青城。至金營。金人迫上易服。李若水大哭。罵不絕口。死之。金人曰。向遼亡死。義甚衆。南朝惟李侍郎一人。上之至金。若水勸之也。則一死可贖國罪矣。○宗澤救兵。今日進退皆死。當于死中求生。將士悉奮力。前後

營金人夜得空

吳革死節  
張叔夜不肯  
署狀

敷天左祖

十三戰皆捷。澤意賊夜必復來。乃徙其營。金人夜至。得空營。大驚。自是憚澤。不敢長驅。○金陷京師。劉幹、吳革等數百人死之。金冊立張邦昌為楚帝。張叔夜不肯平署狀。金乃執太上皇及上、太皇太后。及后與太子北歸。獨孟后以廢居別第。免。呂好問遣書責邦昌。邦昌氣沮。乃迎孟太后聽政。遣人至濟州迎康王構。奉孟太后詔。○畧云。歷年二百。人不知兵。傳世九君。世無失德。雖舉族有北轅之舉。而敷天同左祖之心。乃眷賢王。越居舊服。漢家之厄。十世宜光武之中興。獻公之子九人。惟重耳之尚在。茲乃天意。夫豈謀。乃慟哭受命。即位于應天。是日孟太后東京。

撤簾

○南宋紀都應天。徙臨安。是為南宋。凡九君。得年二百五十有二。

附金姓完顏。金太祖名阿骨打。後更名。其初為女直。乃遼之屬國也。

高宗皇帝名構。徽宗九子。三十號。詔修宣仁后實錄。高后六年。建炎紹興二號。

追貶蔡京等秩。○張所陳還京梁。五利。一奉宗祀。二安人心。

三係四海之望。四釋割河北之疑。五有定所。得一意防邊。為黃潛善所阻。竟貶。○

上欲相李綱。綱預上十事。一議國是。二議定都。三議赦命。四議僭逆。五議偽命。

六議戰。七議守。八議政。請必如議。乃供職。上即班綱

議于朝。惟僭逆偽命二事留中不行。綱曰。二事今日

張所具言五利

李綱上十事

二事今日政刑之大

古史輯要卷五 宋紀

三 海山仙館叢書

古史輯要卷五

廿三〇

廿の〇

新連代

李綱經制兩河

朝廷永無北顧之憂  
張叔夜義不食粟  
宗澤奇岳飛

之大者。陛下欲建中興之業。而崇僭逆偽命之臣。誰不解體。乃貶邦昌與其黨。○李綱經制兩河。曰。今河東失者六州。河北失者四州。餘郡猶朝廷有也。使不急撫之。恐為金人有矣。莫若置招撫經制二司于河東北。擇有才畧者為之。則永無北顧之憂矣。上從之。○張叔夜從欽宗而北。道不食粟。飲湯而已。及白溝。叔夜仰天大呼。扼吭而卒。○岳飛犯法將刑。宗澤一見奇之。曰。將材也。會金人入寇。令立功贖罪。大敗金兵。然飛好野戰。澤因授以戰圖。飛曰。陣而後戰。兵法

運用之妙本乎一心  
用兵在先定謀  
柴採樵君殆非行伍中人  
南陽光武所與  
策無出于此

之常。運用之妙。存乎一心。澤深然之。○張所問岳飛曰。爾能敵幾何。飛曰。勇不足恃。在先定謀。昔欒枝曳柴以敗荆。莫敖採樵以致絞。皆謀定也。所矍然曰。君殆非行伍中人。○李綱言南陽光武所興。高山可以控扼。平野可以屯兵。西隣關峽。東達江淮。南通巴蜀。北距王都。陛下既不還汴。策無出此者。上許之。而為汪伯彥黃潛善所阻。○曹勛持二帝手書。至自金。上大哭。○上聽汪黃罷兩河經制招撫司。而李綱力求去。會侍御史張浚劾綱招軍買馬之罪。遂罷綱。○金

連呼過河者

三人相顧倉皇

地世忠舉酒酌

人侵東京宗澤屢敗之澤屢請上還京為汪黃所阻。憂憤成疾歎曰出師未捷身先死長使英雄淚滿襟。明日無一語及家事但連呼過河者三而卒。○以汪黃為左右相上曰二卿為相何患國事時金兵南下汪黃皆不以聞及入天長上即馳瓜州而汪黃方說法佛堂不之知迨聞相顧倉皇乃馳護。○趙子砥曰金人請和以練兵我國斂兵以待和是畏虎而啖以肉肉盡終噬人也。大都金人愚宋始終以和則此言可謂切中宋弊矣。○苗傳等侍劫上居顯仁宮而立太子勇。方二歲。韓世忠舉酒

天下常山蛇勢

洪皓真忠臣

趙鼎陳戰守禦三策邦義血書衣裾

岳飛敗金人于廣德世忠敗金兵于江中

酌地誓不與賊戴天遂與張浚等討之奉上復位。○汪若海言天下如常山蛇勢秦蜀為首東南為尾中原為脊今以東南為首安能起天下之脊哉將圖恢復必在川陝。○洪皓使金問候二帝金迫之仕不屈。金人曰忠臣也流之冷山。○趙鼎陳戰守禦三策且請幸荆襄以圖恢復上不果。○金人入建康楊邦義刺血書衣裾曰寧作趙氏鬼毋為他姓臣大罵死之。○金人渡浙追帝帝航於海岳飛敗金兵于廣德金兵呼為岳爺爺韓世忠又大敗金兵于江中自是金

范冲朱墨史

二史得其正  
秦檜還自金  
師

汝軍有鉄山  
之號  
張浚殺曲端

人不敢復渡江。○金居二帝于五國城。後皆死于此。○范

冲祖禹子重修神宗哲宗實錄。舊文以墨書。新以朱書。

世號朱墨史。二史由是得正。○秦檜還自金。或言檜私通金

故縱。每言欲天下無事。須南自南。北自北。上喜曰。朕

得一佳士也。命為相。自是專意和金。宋之禍始于安石。繼于蔡京。成

于秦檜。○李成寇江淮。張浚平之。浚軍有鉄山之號。

○張浚殺曲端。端死非其罪。軍士多叛者。○頒黃庭

堅所書戒石于州縣。戒云。爾俸爾祿。民膏民脂。下民易虐。上天難欺。○命胡

安國較正春秋左傳。入朝侍讀。安國耻與朱勝非同

儒者進退合  
義

松柏獨秀

製旗賜飛  
岳飛大破楊  
么

列遂卧家不出。南渡後儒者進退合義。以安國尹焞

為首。謝良佐曰。康侯。安國字如大冬嚴雪。百草萎死。而

松柏獨秀。○秦檜議南人還。北人還。北上曰。朕北

人當亦歸金乎。檜大慚。黃龜年劾之。乃免相。榜其罪

于朝。○金攻饒風關。吳玠日夜馳三百里援之。至則

以柑遺敵曰。大軍遠來。聊用止渴。金人驚曰。來何速

也。卒破金兵。○岳飛計彭友擒之。虔今贛州府。吉安今吉安府。悉

平。上手書精忠岳飛字。製旗賜之。○楊么陷襄陽。六

郡。岳飛請取襄陽為恢復根本。趙鼎曰。知上流利害

趙鼎真宰相

喻子才之功

中興武功第一

李綱陳守備之宜

龜山倡道東南

無如飛上從之。飛渡江日。飛不擒賊。不涉此江。踰月

襄漢悉平。○金寇淮南。趙鼎喻樗敗之。上曰。趙鼎真

宰相。天使佐朕中興。鼎曰。喻子才樗功也。○韓世忠

大敗金兵于儀真。自建炎來。未嘗與金迎戰。論者以

此為中興武功第一。○詔策戰守。李綱上疏甚悉。上

善之。而不能畧云。邇來人臣。閒暇則以和議為得用。

計。君卒則以退避為善策。且退一步

則失一步。退一尺則失一尺。往自南都退而淮揚。而

河北河東關陝失矣。自淮揚退而江浙。而兩淮東西

失矣。萬一敵騎南牧。○羅從彥閩人往從楊時。驚汗流

背曰。不至是。幾虛過一生。朱熹謂龜山時。倡道東南

遊其門者甚衆。潛心力學。仲素彥一人而已。○李侗

學于羅從彥。從彥令侗靜中看喜怒哀樂未發前氣

象。久之頓悟。靜居山中四十年。號延平先生。朱熹受

業于侗。稱其自然中有成法。○皇子瑗就資善堂聽

講。岳飛見瑗喜曰。社稷得人。中興其在是乎。○以何

蘇為金通問使。胡寅諫不聽。畧云。金知我國所重在

在用兵。故常以和增吾所重。平吾所恨。歷吾

所畏。而我國卒不悟。遣使屢矣。金果一憐乎。○岳飛

破楊么于洞庭。或謂飛玩寇。張浚曰。兵有深機。胡可

易言。會召浚還。時以浚飛曰。願少留八日。可破賊。浚

仲素一人

靜中看喜怒哀

哀樂未發氣

自然中有成

法

社稷得人

中興之業在

是

岳侯神算

髯將軍銳不可當

張浚忌岳飛 詔岳飛張浚 議事

陳公輔乞禁

程氏學

西人道德名

世

尹焞可謂恬

退

古今事考卷五

三

許之。飛且攻且招。果八日而湘湖平。浚曰。岳侯神算也。○劉猷劉豫子。豫大宋臣。降于金。寇淮西。為楊沂中所敗。猷曰。髯將軍銳不可當。金人乃大恐。○岳飛數言恢復。上曰。中與之事。一以委卿。時秦檜主和議。忌之。詔飛詣張浚議事。浚亦飛浚欲以淮西軍事付王德揚。沂中等飛不可。浚怒曰。固知非太尉不可也。飛時為太尉。遂與飛忤。飛即解兵柄乞歸。○陳公輔乞禁程氏學。胡安國言二程張邵四人道德名世。竟既。○徵處士尹焞入殿說書。尋以疾辭。上曰。可謂恬退矣。○金襲汴。置尙

學書賢于他好

晏敦復獨有憂色

曾開不草詔

書 儒者所爭在

義

胡銓抗疏極言和議之非

書行臺于此。上定都臨安。避之。○上取胡安國春秋傳置座右。廿四日讀一週。陳公輔阻之。上曰。學書賢于他好。春秋之義。莫大復仇。高宗有不共戴天之仇。而不知復。亦何取讀春秋哉。○秦檜復入相。朝士相賀。晏敦復獨有憂色。檜堅意和金。金人有詔諭江南之名。上甘之。曾開不肯草詔。檜以執政許開。開曰。儒者所爭在義。爵祿弗與也。胡銓抗疏。畧云。金以詔諭江南為名。是欲臣妾我也。劉豫我也。天下者。祖宗之天下也。陛下所居之位。祖宗之位也。奈何以祖宗之位。為金虜藩臣之位。乎。今王倫之議曰。陛下下一屈膝。則梓宮可還。中原可復。嗚呼。自變故來。何日不以此啗陛下哉。而卒無一驗。則虜之情偽見矣。就令虜決可和。盡如倫議。天下後世謂陛下何

古今事考卷五

宋紀

三

海山仙館叢書

三軍不戰而氣自倍  
吳師古鉞其書于木

牆牖皆格言

李綱為遠人所服

如主歟。區區之心。願斷檜等頭。竿之藁街。聲其罪。則三軍之士。不戰而氣自倍矣。否則臣有赴東海而死。寧能處小朝。延求活耶。疏上坐竄。吳師古鉞之于木。亦坐貶。金人募其疏千金。朱熹謂為中興來奏議第一。時李綱岳飛朱松朱熹父等皆力諫和議。俱不報。○晏敦復詆和議不止。秦檜使人唱之。敦復曰。薑桂之性。到老愈辣耳。○吳玠每讀史。往事可師者。錄之座右。積久。牆牖皆格言。玠用兵本孫吳。金人不敢犯蜀。玠守四川。○李綱卒。綱以身係宗社安危。每使者至金。金人必問李綱安否。其為遠人畏服如此。○岳飛駐郾城。與子雲數敗金兵。兩

岳飛郾城之捷

頂盆焚香

書生叩馬

岳飛班師

一日下十二

金字牌

劉錡順昌之捷

兀木驚見順昌旗幟

兀木驚見順昌旗幟

河豪傑景從。父老頂盆焚香。迎飛者滿道。金人相諭曰。俟岳家兵來。即降。皆呼為岳父。兀木金太子欲棄汴歸。有書生叩馬曰。自古未有權臣在內。而大將能立功者。岳少保將不免。能成功乎。乃止。未幾。一日下十二金字牌。召飛還。檜主和也。飛憤泣。班師。居民遮道。哭聲震野。飛還河南郡縣。盡為金有。○劉錡守順昌。大敗金兵。金人望見。驚曰。此順昌旗幟也。皆北遁。○岳飛嘗讀秦檜奏疏。至德無常師。主善為師。二語。恚曰。大臣而忍面欺其主耶。○秦檜思欲成和議。須殺岳飛。



背涅盡忠報國四大字

事體莫須有  
三字何以服天下

天下太平

乃誘飛部將王俊誣飛手書有異謀下飛父子獄命何鑄鞫之飛以背示鑄有舊涅盡忠報國四大字深入膚理鑄白其冤不聽韓世忠憤憤詣檜詰其寔檜曰手書雖不明其事體莫須有世忠曰莫須有三字何以服天下遂殺飛父子凡訟飛冤者多坐死金人聞飛死酌酒相賀飛自結髮從戎卒年三十有九敵入嘗曰撼山易撼岳家兵難上嘗欲為飛營第辭曰金虜未滅何以家為上問天下何時平對曰文臣不愛錢武臣不惜死天下太平矣吳玠嘗以名姝歸之

跨驢攜酒

洪皓忠貫日月  
雖蘇武不能  
過官職如讀書

飛辭曰主上宵旰豈人臣安樂時耶飛號武穆諡忠武王其忠貞類如此○韓世忠以論秦檜罷家居謝客時跨驢攜酒縱遊西湖為樂○時二帝俱死千金獨韋太后尚存上哀辭請之乃歸韋后并二帝喪因册上為大宋皇帝○洪皓還自金居金十五年上曰卿忠貫日月雖蘇武不過也皓見秦檜譏之檜不悅語皓子适曰尊公信有忠節得上眷但官職如讀書速則易終而無味未幾以忤檜罷○金逼王倫降倫南向慟哭遂自縊倫一死可贖前愆矣○趙鼎不附和議秦檜惡之徙鼎吉陽

此老倔強猶昔

三世同領史職

天地至微之理

高宗作損齋

軍鼎謝表云。白首何歸。悵餘生之無幾。丹心未泯。誓九死以不移。檜曰。此老倔強猶昔。鼎在軍中。語子曰。檜意在我。我生禍及一家矣。遂不食死。書曰。身騎箕尾。歸天上。氣作山河壯本朝。鼎為中興賢相第一。秦墳修撰實錄。祖父孫三世典史。墳秦檜孫熈之子。熈寔王姓。檜無子。立之。呼天之報檜亦慘矣。不欲他人肆譏也。○秦檜死。檜居相。一時忠良誅鋤殆盡。史斷曰。以檜彌天之罪。得保首領。以沒何哉。此天地至微之理也。太宗負太祖以亂其傳。故秦檜負高宗以隕其祚。至觀宣和殿。檜生玉枝。則宋亡之禍兆矣。○上以治道貴清心寡欲。乃作損齋。○虞允文使金。金主曰。

看花洛陽

立馬吳山

張浚冒雪而進

虞允文大敗金兵于采石。允文朕之裴度。高宗付託得人。

我將看花洛陽。爰命畫工繪臨安湖山于屏。而圖己之像于吳山絕頂。金主有立馬吳山第一峯之句。遂遷都汴。分道南侵。金兵入廬州。上欲航閩海。今福建。避之。陳康伯焚詔乃止。時金兵方橫。長江無一舟敢行。獨張浚冒雪而進。入見上。上時在建康。衛士舉首加額。無不倚以為重。金兵臨采石。欲濟江。時李顯忠督采石軍未至。虞允文奉命犒師。見勢急。即帥諸將大敗金兵。允文還。上曰。朕之裴度。○上遜位皇太子昚。自稱太上皇。曰。付託得人。吾無憾矣。按昚太祖六世孫。秀王偁之子。高宗無子。婁寅亮以太祖造宋能公天下。

而子孫不及享為言。且岳飛張浚趙鼎等贊成之。吁。庶藝祖在天之靈慰矣。

孝宗皇帝名昚。太祖六世孫。二十七年。隆興。乾通。淳熙。三號。封張浚魏國公。上

改容曰。朝廷所恃惟公。浚勸上堅意恢復。上嘉納之。

○朱熹知潭州。上封事曰。斯民休戚。係守令之賢否。

然本原之地。則在朝廷而已。○詔改岳飛葬。官其孫

六人。○辛次膺初力諫和議。被斥者三十年。至是知

樞密院。渡江後直臣。次膺為首。○張浚使李顯忠伐

金。復靈壁今鳳陽等地。上勞曰。十年來無此捷。朕倚公

為長城。顯忠與邵宏淵并力伐金。宏淵恥前功不自

渡江以後直臣十年來無此克捷倚魏公為長城

魏公終身不主和議

十弔十賀

舉朝皆婦人

允文材館錄何如

已出。按兵不救。顯忠師敗。主和議者皆咎浚。上曰。今

日邊事倚公為重。人言何畏。浚竟被劾罷。尋卒。浚志

恢復。終身不主和議。功雖不就。人稱其忠焉。○胡銓

力言金不可和。誠不和金。無書名之恥。再拜之。屈去

十弔而就十賀。利害較然矣。詩云。毋用婦言。今舉朝

皆婦人也。不聽。○魏杞使金。金人脇杞去大宋。大字

杞拒之。卒正敵國之禮而還。○劉珙曰。人言漢高輕

儒非也。漢高英主。使遇名世。必敬信不暇。其所不重

特腐儒耳。○陳俊卿虞允文二人居相。並以人才為

馳射圖恢復

春秋經中之

史綱

綱目史中之

經

三人學有淵

源

三字佩之終

身

朱熹得道統

之正

急有所見聞。卽記之。號材館錄。故所用皆名士。○上射弩。斷絃傷目。陳俊卿曰。陛下有事馳射。以志恢復耳。誠能任將作士。則義氣奪敵人于萬里外矣。奚事馳射哉。○朱熹通鑑綱目成。邱氏曰。春秋經中之史。後僅見此書也。○朱松知饒州。病危。囑熹曰。胡憲藉溪先生劉勉之白水先生劉子翬屏山先生三人學有淵源。汝往師之。熹就學焉。及舉進士。復師李侗。蓋子翬嘗以易之不遠復三字。俾佩之終身。故熹得道統之正。自子翬。○楊甲對策。言恢復之不堅者。二上不悅。置之第五。○張栻

楊甲對策

孝宗恢復不

堅二事

進對自盟于

心

聖門有人

敬夫大本卓

然

朱熹政事可  
觀  
陳賈乞禁偽  
學

浚子字。卒。病危。猶手疏勸上親君子。遠小人。每進對。必先盟心。嘗師胡宏。宏曰。聖門有人矣。朱熹亦言已之學。乃積累而成。敬夫則大本卓然。○呂祖謙號東萊簡五世孫。作大事記。上接春秋。下及五代。學以關洛為宗。一日誦孔子躬自厚薄。責于人句。忽覺平時忿恨。渙然冰釋。朱熹言學如伯恭。謙字。方能變化氣質。○浙東飢。王淮宰相薦朱熹提舉浙東。熹至。下令米商悉蠲其征。四方米至者。輒集。上曰。朱熹政事却有可觀。○下朱熹社倉法于諸路。豐年積穀。以備民飢。○陳賈奏朱熹假道學乞禁革。

平生所學四字

上從之。尤袤曰。道學者。堯舜之帝。禹湯文武之王。周公孔孟之教。皆是也。豈宜禁革不聽。以熹嘗抗疏論王淮親家。故淮

令賈○上皇崩。上欲致三年喪。羣臣不可。上曰。自我劫熹作古何害。自漢文變古以來。能終喪者。孝宗一人而已。○朱熹欲入奏。或曰。正心誠意之論。上所厭聞。毋復言。熹曰。平生所學。惟此四字。熹投匭進封事。上善之。令崇政殿說書。除主太乙宮。○上傳位太子。自稱太上皇。

光宗皇帝名焞。孝宗三子。五年。號紹熙。劉光祖乞禁道學之譏。王介對策。亦言今之道學。皆今之正人也。令一網盡之。而

留正引裾泣諫

尊天下第一等人

天下以道學為諱。何以立國乎。自是道學之譏少息。

○上欲誅宦者。宦者遂謀離間兩宮。因言上皇有廢上而立上子擴之意。上遂不朝上皇。上皇疾。留正請上問之。上拂衣起不聽。○使者自金還。金人問朱熹先生安在。乃以朱熹知潭州。○上皇崩。上疾不執喪。中外謗之。上臨朝。忽仆地。趙汝愚等謀以太后旨禪位嘉王擴。擴固辭。已乃即位。

寧宗皇帝名擴。光宗三子。三十年。慶元嘉泰開禧嘉定四號。初黃裳為嘉王翊善。曰。欲進德修業。須尊天下第一等人。因以朱熹對。

朱熹極言四事

一網打盡

天下號為六君子

蔡元定請以

著決

朱子更號遯翁

至是召入經筵。○朱熹極言四事。韓侂胄惡之。使優人峩冠潤袖象大儒。戲于上前。因謗熹不可用。乃罷熹。熹在朝四十六日。知無不言。○韓侂胄欲害趙汝愚。曰。彼宗室也。誣以逆謀。則一網盡矣。遂罷汝愚。太學生楊宏中等六人。伏闕上書。言汝愚之忠。皆被竄。天下號六君子。自是大權盡歸侂胄。○朱熹家居草封事。極言趙汝愚冤。蔡元定熹門人懼賈禍。請卜之。值遯。熹乃焚藁。自號遯翁。○韓侂胄論朱熹十罪。因言蔡元定佐熹為邪。乃貶元定于道州。熹與從游數百

季通不挫之節

孔孟正脈

元定老友

令書不是偽道學五字柴中行不願考校

人。餞別泣下。而元定笑語不異。平時熹喟然曰。友朋相愛之情。季通元定字不挫之節。可謂兩得矣。初元定父以程氏語錄。邵氏經世。張子正蒙。授曰。此孔孟正脈。長師于熹。熹叩其學。驚曰。此吾老友。不當在弟子列。及去道州。從者日衆。逾年卒。學者號西山先生。○時試進士。必令書不是偽道學五字。柴中行云。自幼讀程氏易傳。如以為偽。不願考校。士論壯之。○許及之。諂事韓侂胄。每屈膝求之。嘗值侂胄誕。賀之後。至不得入。遂從竇進。時有由竇尚書。屈膝執政之誚。○

朱熹絕筆

黃幹知言

到處及物即  
功業

趙師舜諂事韓侂胄。侂胄嘗遊苑曰：此間特少雞鳴大吠。俄聞吠聲，視之乃師舜也。○朱熹卒。諡文號晦菴。所著甚博而絕筆于大學誠意章。從者甚廣，其最知名則黃幹、李燔等。幹嘗曰：由孔子而後，曾子、子思得其微。至孟子而始著。由孟子而後，周程、張子繼其絕。至熹而始著。李燔嘗曰：凡業不必待位，但隨力到處有以及物，即功業也。熹稱曰：他日任斯道者必燔也。○處士呂祖泰上書乞斬韓侂胄曰：道學自古所恃為國而禁逐之，是將空陛下之國而不悟耶？侂胄怒，乃

史彌遠請殺  
侂胄

孟宗政威名  
震外

催科中撫字  
刑罰中教化  
趙方名言

貶祖泰。○金兵分道南侵，上懼，請和金人，要以五事。內一在誅韓侂胄、史彌遠。侍郎。遂乘此殺侂胄，而金兵乃息。○元太祖奇渥溫。姓鐵木真，名始稱帝。太祖為長。時宋有號。至世祖始號大元。劉燭乞開偽學禁，追復趙汝愚等秩。刊朱熹四書于太學。○元侵金，兩河、遼、東俱下。金主遷都于汴。○孟宗政大敗金人，金人自是不敢窺襄漢。威名震。金人呼曰孟爺爺。○趙方令青陽曰：催科不擾，催科中撫字，刑罰不差，刑罰中教化。人以爲名言。迨守襄陽十年，以戰爲守，隱然有樽俎折衝

趙方樽俎折衝

蜀人始知有學

之風。○元主滅回國。見一異獸能言。即律楚材曰。此名角端。日行萬八千里。上天惡殺。遣之以告陛下。元主即日班師。○上崩無子。史彌遠與楊后矯詔立沂王繼子貴誠。更名的昀。太祖十世孫德昭後也。

理宗皇帝名昀。太祖十世孫。四十年。寶慶紹定。端平。嘉熙。淳祐。開慶。景定。八號。魏了翁開

陳邊事被劾。遂築室白鶴山。士爭負笈從之。蜀人始知有學。○潘壬起兵。立濟王竑為帝。竑亦沂王繼子。寧宗立為太子。

竑不從。自討平之。史彌遠誘殺竑。真德秀曰。爭立非濟王本意。奈何殺之。○追贈張九成宗國公。以成正

三凶四木

此舉大快公論。心同理同

色立朝。有中興明道功。○梁成大等三人。趙汝述等四人。共為史彌遠鷹犬。人號三凶四木。○罷真德秀。魏了翁。梁成大曰。真德秀乃真小人。魏了翁乃偽君子。此舉大快公論。識者笑之。○陸九淵號象山。曰。東海有聖人出焉。此心同。此理同也。至西南北海。以及百千萬世。有聖人出焉。此心此理。亦莫不然。嘗與朱熹遊白鹿洞。講論相契。○陸九齡九淵弟。曰。晝觀諸妻子。夜卜諸夢寐。兩無所愧。始可言學。○圖功臣二十四人于崇德閣。以趙普為首。贈朱熹徽國公。熹子朱在侍郎。人



恨不與之同時

知孝不堪與成大同傳

擬宋直德秀進大學衍義德秀直聲震朝廷

對上曰先卿中庸序朕讀之不忍釋手恨不與之同時也德秀了翁熹匹儔也而竄之熹即同時竄或不免能用乎○元議與宋伐金金使人至宋曰元人滅國四十以及夏夏亡及我我亡必及宋矣上不從金主棄汴走元兵執其諸王以去而困辱之狀尤甚徽欽焉○梁成大羽翼史彌遠雖李知孝與之共事猶鄙之嘗曰所不堪者他日與成大同傳耳○元滅金或請宜定中原上從之遂襲汴為元兵大敗歸自是淮陽無寧日矣○召真德秀魏了翁為學士德秀進大學衍義慨然以斯文自任

德秀以斯文自任

北方始知經學幼童拜受藥酒

好名孟子所不取

諸生相慶得師姚樞隱于蘇門

凡奏疏皆切時務直聲震朝廷了翁入對甚悉上俱嘉納之○元破許州得姚樞姚復二人至燕北方始知經學○元破蜀劉銳度不免聚家人飲藥酒積屍焚之有幼子六歲賜藥酒猶拜受銳尋自刎○陳垣史彌遠外甥上疏乞去君側之蠱彌遠責曰何為好名垣曰好名孟子所不取然求士于三代之上惟恐好名求士于三代之下惟恐不好名垣非好名特權辭以謝耳至是拜司業諸生相慶得師○追封周程張朱五人從祀孔子廟黜王安石祀○元姚樞棄官隱于蘇門誅茅為

姚樞以道自任  
士論稱為六君子

楚材名言

諸生作捲堂文

班聲如雷  
儒者乃有此人

室。堂龕音堪魯司寇像。傍列周程張邵司馬六君子。讀書其間。以道自任。○元耶律楚材多直言。元主每見楚材來。輒曰。汝又為百姓哭耶。楚材曰。臣非好言。但人主興一利。不若除一害。生一事。不若減一事也。人以為名言。○太學生黃愷伯等。上書論史嵩之。不報。范鍾史范俱相惡其言。事欲逐之。諸生聞之。作捲堂文。以辭先聖。即日俱行。○余玠帥師平蜀。王夔率所部來謁。班聲如雷。而玠自若。夔退曰。儒者乃有此人。玠隨以計斬夔。蜀民愛玠如父母。○元廉希憲雅嗜書。

廉孟子

稱師臣而不名

許衡陳時務五事  
讀書欲何為

一日攜孟子與太弟言。太弟善之。目為廉孟子。○元圍鄂州急。賈似道密稱臣納貢。乃解。而上不知。詔褒其功。○賈似道置公田法。似利民。害民。徐經孫陳著陳茂濂皆上疏去。時稱三烈。○置權場于樊城。元誘宋置此。而元因之。田是元兵有據。以邊南北之援。乃中元人計也。  
度宗皇帝名棧。理宗姪。理宗無子。立之十年。號咸熙。賈似道以太師封魏國公。上每稱師臣而不名。朝臣皆頌為周公。○元中書許衡陳時務五事。元主納之。衡少受業。輒叩其師曰。讀書何為。師曰。應舉耳。衡曰。恐不止是。師退語人曰。

許衡頹悟過  
人心猶印板

係籍聖賢

希憲已受孔  
子戒

此兒他日必過人吾非其師也。後果師事姚樞。以道  
自任。嘗曰。人心猶印板。板本不差。雖摹千萬紙皆然。  
○客有盛稱徐安裕者。謝枋得曰。昔呂伯恭中第歸。  
學者請升講座。陳同父曰。宰相可生殺人。臺諫可彈  
劾人。國子監官可考校去取人。此三等謂之係籍聖  
賢。開口高談。無敢爭辨。今伯恭未是係籍聖賢也。伯  
恭大笑而止。安裕固係籍聖賢。是宜子之頌也。客大  
慚。○元主令廉希憲受八司馬戒。對曰。臣已受孔子  
戒。元主曰。孔子亦有戒耶。曰。臣戒不忠。子戒不孝。是

似道鬪蟋蟀

教人與用人  
相反

汪立信三策

也。○樊城圍急。賈似道方與羣姬鬪蟋蟀。有狎客戲  
曰。此軍國重事耶。適上有問邊事。對曰。樊城今襄陽之  
困已三年矣。似道訪其人。誣之死。自是無敢言邊事  
者。○元以許衡為祭酒。嘗語諸生。今讀一書。必于自  
身理會有可用否。又曰。教人與用人反。用人當于其  
長。教人當于其短。又曰。學者治生最急。苟生計不足。  
則必嗜利以喪所學。又曰。書中有疑。要看到無疑。無  
疑又要看出有疑。其教術類如此。

恭宗皇帝

名顯度。宗子。二年號德祐。

上年四歲。太后臨朝。○汪立信

趙昂發節義  
成雙  
扁亭止水

陳三策于賈似道上策沿江置守。江岸相距七千里。有總督其尤要害處。三倍其兵。無事泛舟往來。有事東西齊擊。中策輸幣緩師。下策則銜璧輿櫬矣。似道抵策于地。及元兵圍建康。立信遇似道于蕪湖。似道慚悔。立信歎曰。今江南無一寸乾淨地。我去尋一片趙家土死耳。○元兵徇池州。趙昂發通判語妻雍氏曰。汝歸。吾當死。此妻曰。命官命婦一也。君為忠臣。妾獨不可為忠臣婦乎。遂同縊。書于几曰。國不可背。城不可降。夫婦同死。節義成雙。○元兵徇饒州。舊相江萬里死之。初萬里聞襄陽陷。鑿城芝山。扁其亭曰。止

文天祥起兵  
入衛

忠臣之家  
長嘯非聖門  
居敬之道  
柳岳如元請  
行成

水人莫之喻。至是遂赴止水死。○知贛州文天祥起兵入衛。其友止之。天祥泣曰。固知無濟也。但樂人之樂者。憂人之憂。食人之食者。死人之事耳。○汪立信聞王師敗。遂扼吭而卒。元伯顏入建康。聞立信三策。歎曰。宋能用之。吾安得至此。求其家厚恤之。曰。忠臣之家也。○王昶少慕諸葛。自號長嘯。及讀居處恭二句。歎曰。長嘯非聖門居敬之道。亟更魯齋。○時江南郡縣降陷者半。守令悉竄。使柳岳如元行成。伯顏曰。汝國得天下于小兒。亦失于小兒。其道如此。尚復何

尹穀招鄉人行冠禮  
尹穀舉家自焚  
文天祥不屈

杭潮五日不至

言不許。○元過潭州。尹穀進為二子冠。招鄉人行冠禮。曰欲令兒曹冠帶見先人于地下。遂俱焚。○元逼臨安。今杭州。陳宜中白太后奉璽降。文天祥被擒。楊亮節奉益王昞。音是。廣王昺由温州航海至福州。與張世傑陸秀夫等奉益王即位。天祥亦亡歸福州。圖興復。○元兵分駐錢唐江沙上。人方幸必為潮溺。而潮水五日不至。○元分南人為十等。儒列于九。介娼丐之閒。

端宗皇帝 名昞恭宗兄 李庭芝鎮揚州不下。元以太后

李庭芝斬使  
焚詔

此皆節義文章

李芾死節

詔諭芝曰。奉詔守城。未聞以降也。芝開壁納使斬之。卒為元兵所殺。揚民莫不流涕。○興化軍陷。陳文龍被執。指其腹曰。此皆節義文章也。可相逼耶。遂不食死。○上為元兵所逼。舟居泉州。徙潮州。抵峒州。崩。時年一十。

帝昞 名昞端宗弟 元兵襲文天祥。虜其妻歐陽氏。子佛生環生。而天祥與子道生遁。元追之急。趙時賞曰。天祥若死。宋無賴矣。遂誑元人曰。我天祥也。執之。而天祥乃得脫。○李芾召帳下沈全忠曰。吾分當死。吾家

沈全忠自刎

陸秀夫正笏

立朝

日書大學章

句進講

陸秀夫死節

人不可辱。忠泣下。芾引頸受刃。忠盡殺之。遂自刎。○  
上播越崖山。陸秀夫儼然正笏。如立治朝。雖流離中。  
猶日書大學進講。○元以舟師並進。宋師大潰。陸秀  
夫負上同溺。亡年八歲從死者十餘萬人。張世傑欲求趙  
氏後復興。至中流。颶風大作。世傑仰天呼曰。豈天意  
耶。天不欲存趙。大風覆我舟。舟遂覆。

○元紀

奇渥温姓。都燕。今順天府。凡十君。得年八十有九。

世祖皇帝

名忽必烈。太祖四子。十六年。至元至正二號。

擒宋丞相文天祥。北

去。天祥八日不食。猶生。孛羅召見。天祥長揖不屈。孛

事君如事父

文天祥正氣歌

羅詰以古今興廢。天祥曰。一部十七史。從何處說起。  
孛羅曰。汝立二王。何濟。對曰。人臣事君。如子事父母。  
雖父母疾不可救。豈有不進藥之理。盡吾心焉。不可  
為則天也。乃下天祥獄。在獄作正氣歌云。天地有正  
氣。雜然賦流形。下則為河嶽。上則為日星。于人口浩  
然。沛乎塞滄溟。在齊太史簡。在晉董狐筆。在秦張良  
椎。在漢蘇武節。為嚴將軍頭。為嵇侍中血。為張睢陽  
齒。為顏常山舌。或為遼東帽。清操勵冰雪。或為出師  
表。鬼神泣壯烈。或為渡江楫。慷慨吞胡羯。或為擊賊

牛驥同皁  
雞栖鳳凰食

古道照顏色

啼鵲帶血歸

笏。逆。豎。頭。破。裂。是。氣。所。磅。礪。凜。冽。萬。古。存。當。其。貫。日。  
月。生。死。安。足。論。嗟。予。遘。陽。九。隸。也。實。不。力。楚。囚。纓。其。  
冠。傳。車。送。窮。北。牛。驥。同。一。皁。雞。栖。鳳。凰。食。一。朝。濛。霧。  
露。分。作。溝。中。瘠。哀。哉。沮。洳。場。為。我。安。樂。國。顧。此。耿。耿。  
在。仰。視。浮。雲。白。悠。悠。我。心。憂。蒼。天。曷。有。極。哲。人。日。已。  
遠。典。型。在。夙。昔。風。簷。展。書。讀。古。道。照。顏。色。附。過。金。陵。詩。云。草。舍  
離。宮。轉。夕。暉。孤。雲。飄。泊。欲。何。依。山。河。風。景。原。無。異。城。郭。人。民。半。已。非。滿。地。蘆。花。和。我。老。舊。家。燕。子。傍。誰。飛。從。今。別。却。江。南。日。天。祥。留。燕。三。年。坐。卧。小。樓。足。不。履。  
地。上。欲。用。之。對。曰。倘。緣。寬。假。得。以。黃。冠。歸。故。鄉。他。日。

成仁取義

讀書所學何事

問文天祥謝枋得二公死節何如

俱不失為忠臣  
平生為虛名所累

方外倫顧問可也。因乞死。上不忍。左右力贊之。遂殺。  
天祥臨刑。從容語曰。吾事畢矣。南向再拜。乃就刃。其  
衣帶中有贊云。孔曰。成仁。孟曰。取義。惟其義盡。所以  
仁至。讀聖賢書。所學何事。而今而後。庶幾無愧。南北  
聞者。無不流涕。○詔求南人有才者。魏天祐以謝枋  
得號壘山薦。枋得兩以書辭。竟執之北去。或謂其不死。  
枋得曰。程嬰公孫杵臼。一死十五年之前。一死十五  
年之後。俱不失為趙氏忠臣。至燕五日不食死。○許  
衡卒。語子曰。我平生為虛名所累。不能辭官。死後勿

聖人精義殆不止是

加封孔子大成至聖文宣王

雙斧伐枯樹

請諡立碑。但書許某之墓。令子孫識其處足矣。○劉

因閱經書訓詁。歎曰。聖人精義殆不止是。及見周程

諸書曰。我固謂當有是也。因評曰。周至精。邵至大。程

至正。朱子極其精。極其大而貫之以正也。累徵不起。

成宗皇帝名鉄木耳。世祖孫。十三年。元貞大德二號。加封孔子大成至聖文

宣王。

武宗皇帝名海山。順宗子。六年。號至大。丞相阿沙不花曰。陛下麴蘖

是好。姬嬪是耽。猶雙斧伐枯樹也。

仁宗皇帝名愛育黎拔力八達。順宗次子。十年。皇慶延祐二號。李孟曰。陛下御極。

此書有益國家

家

治天下此一

書足矣

國史院萬世

公論

賜幣旌直

問拜住為相三畏何如

物價頓減。方知聖人神化之速。上曰。踐祚未及月。豈

有物價頓減之理。此言非所賴也。孟漸退。○上讀貞

觀政要曰。此書有益國家。見大學衍義曰。治天下此

一書足矣。俱命刊行。○上曰。人言御史臺任重。朕謂

國史院尤重。御史臺是一時公論。國史院乃萬世公

論也。

英宗皇帝名碩德八剌。仁宗子。四年。號至治。元夕欲張燈結綵。張養浩

諫以非居喪所宜。上賜之帛。○拜住為相曰。臣有三

畏。畏辱祖宗。畏識見未盡。畏年少不克負荷。上曰。今



盤圓則水圓

朱子道問學居多

范梈可方東漢君子

亦有魏徵乎。對曰。盤圓水圓。孟方水方。有太宗則有魏徵矣。○吳澄嘗言朱子道問學居多。陸子尊德性為主。○上與拜住勵精圖治。奸黨鉄失等畏誅。乃絀上及拜住而迎皇叔也。孫鉄木兒即位。泰定皇帝名也。孫鉄木兒。英宗叔。首誅鉄失等。正其罪。而海內翕然向服。

明宗皇帝

名和世疎。武宗長子。初封周王。出鎮雲南。泰定崩。大臣迎立之。半年。號天曆。

文宗皇帝

名圖帖睦爾。武宗次子。五年。號至順。

梈獨行可方東漢君子

寧宗皇帝

名懿璘質班。明宗次子。文宗崩。子幼。遺命立之。在位兩月而崩。年七歲。

順宗皇帝

名安權帖睦爾。明宗長子。三十六年。元統。至元至正三號。

為學猶五味在和

兩血。○金履祥語許謙曰。士之就學。猶五味在和。醯

鹽既和。則酸鹹頓變。子見我三日矣。猶夫人也。豈吾

之學無以變子乎。謙乃力學數載。盡得履祥之妙。○

上嘗閱宋徽宗畫。稱善。懷巖曰。徽宗多能。惟一事不

能。上問何事。對曰。獨不能為君。○虞集嘗讀柳子厚

非國語曰。國語誠非。柳子之語亦非也。作非非國語

謂之。○虞集與弟槃構二室。左書陶潛詩曰。陶菴。右

徽宗惟一事不能

文章以氣為主  
一代文章巨擘

石人一隻眼

書堯夫詩曰邵菴。○楊載寧國府推官文章以氣為主。故范梈楊載虞集揭後俱一代文章巨擘云。○丞相脫脫多忠計。與哈麻隙。哈麻劾之。令出督征。多捷。未幾為哈麻矯詔殺。而國遂不可為。○上荒淫日甚。與西番僧演撲兒法。令宮女戲為天魔舞。○役民開黃河。民愁冤思亂。先是童謠云。石人一隻眼。挑動黃河天下反。及開河。果得石人一眼。○劉福通倡言韓山童。係宋徽宗後。奉以起兵。紅巾為號。初山童父。以白蓮會聚眾。妖言山童乃彌勒佛下生。民多信之。後山童死。更立韓林兒。山童子。稱小明王。

國號朱建都亳州

後為張士誠滅。

○徐壽輝以妖術聚眾。亦

紅巾為號。據蘄州及徽抗等地。稱帝國號天完。

後為陳友諒。

○方國珍據浙江等地。明王珍據成都等地。

後俱明太祖滅。

○張士誠據蘇松等地。稱吳王國號周。

後為明太祖滅。

陳友諒

徐壽輝將。弒輝自立。

據江西等地。國號漢。

後為明太祖滅。

太祖起兵。據金陵。不十年而四海削平。元主為明太

祖。兵促夜半。率后妃太子北遁。明太祖以其知順天

命。特諡曰順。

顏南潘氏  
明紀

早圖

古史輯要卷六

○明紀 朱姓濠州人。都應天。後永樂遷都順天。自洪武至崇禎共十七帝。自洪武元年至崇禎十七年。共二百七十有八年。

太祖高皇帝 名元璋。字國瑞。號洪武。在位三十一年。 父世珍。始徙濠州之

紅光滿室

鍾離。母陳氏。方娠。夢神授藥。一丸吞之。及誕。紅光滿室。自是夜數有光起。鄰里驚以為火。輒奔救。至則無有。年十一。父母及兄俱疫死。孤無所依。乃入皇覺寺為僧。嗣遊食江淮。三年。海內寇賊蜂起。定遠人郭子興起兵據濠。太祖年二十四。謀避兵。卜于神。去留皆

神 謀避兵卜于

不吉。卜舉大事吉。遂往。子興奇其狀貌。妻以所撫馬公女。即高皇后也。是冬元將賈魯圍濠。太祖與子興力拒之。嗣與徐達、湯和、費聚等南畧定遠。計降驢牌寨民兵三千。與俱東。子興用太祖計。遣張天祐等拔和州。檄太祖總其軍。諸將皆惶恐。搜軍中所掠婦女縱還家。民大悅。○郭子興卒。常遇春來歸。太祖擊海牙于峪溪口。大敗之。遂定計渡江。乘風引帆。直達牛渚。常遇春先登。拔之。太祖謂諸將曰。太平甚近。當與公等取之。遂乘勝拔太平。○大破海牙于采石。進

縱還婦女

常遇春先登

攻集慶。擒陳兆先。降其眾三萬六千人。皆疑懼。太祖擇驍健者五百人入衛。解甲酣寢。達旦。眾心始安。○再敗元兵于蔣山。太祖入城。諭曰。我來為民除亂。其各安堵如故。吏毋貪暴虐。殃吾民。改集慶路為應天府。時張士誠自淮東陷平江。轉掠浙西。太祖既定集慶。患士誠強。江左浙右諸郡為所并。于是遣徐達攻鎮江。拔之。諸將奉太祖為吳國公。貽書張士誠。○遣使招諭方國珍。謀取浙東。未下。諸路戒諸將曰。克城以武。戡亂以仁。吾比入集慶。秋毫無犯。故一舉而定。

解甲酣寢達旦  
我來為民除亂

師行如火不  
戢將燎原

為天下屈四  
先生

花雲被縛奮  
起

夫師行如火。不戢將燎原。為將能以不殺為武。豈惟  
國家之利。子孫實受其福。○方國珍以温台慶元來  
獻。○徵劉基朱濂葉琛章溢。至曰。吾為天下屈四先  
生。賜坐。基元進士。授高安丞。以不合去。縱遊西湖。嘗言金陵有天子氣。○陳友諒攻  
陷太平。知府許瑗死之。守將花雲被縛。奮起奪刀。連  
殺數人。賊碎其首。至死罵不絕。妻郤氏赴水死。○陳  
友諒弒其主徐壽輝。自稱皇帝。國號漢。盡有江西湖  
廣地。約士誠合攻。應天大震。諸將議先復太平。  
以牽之。太祖曰。不可。乃馳諭胡大海。擣信州。牽其後。

康茂才給友  
諒

與友諒接戰  
鄱陽湖

而令康茂才給友諒。令速來。友諒果引兵東。常遇春  
等以舟師出龍江關。乘大雨擊之。友諒敗走。遂復太  
平。分徇南康建昌饒蘄黃。皆下之。○朱文正守南昌。  
陳友諒大舉圍之。太祖自將救南昌。與友諒接戰于  
鄱陽湖。友諒兵號六十萬。連巨舟為陣。望之如山。遇  
於康郎山。太祖分軍十一隊以禦之。會日晡。大風起。  
乃命敢死士操七舟。實火藥蘆葦中。縱火焚舟。風烈  
火熾。湖水盡赤。友諒兵大亂。屢敗。退保渚磯。中流矢  
死。其子理奔武昌。○張士誠自稱吳王。○太祖圍武

太祖卽吳王位

昌分徇湖北諸路皆下。○太祖卽吳王位。建百官。○追痛死節諸臣。悉封廟祀。蔭其後。諭曰。立國之初。當正紀綱。元氏闇弱。威福下移。馴至于亂。今宜鑒之。○命徐達常遇春帥師二十萬討張士誠。諭曰。城下之日。無妄殺掠。取勝之道。宜先攻湖州。諸將領命行。蘇杭悉平。囚士誠送建康。士誠自縊。○召諸將議北征。太祖曰。元建國百年。守備必固。吾欲先取山東。撤彼屏蔽。移兵兩河。破其藩籬。拔潼關而守之。天下形勝入吾掌握。然後進兵元都。勢孤援絕。不戰自克。鼓行

設起居注二員

但願陛下法堯舜

郡各一衛

以太牢祀孔子

而西雲中九原關隴。可席卷也。諸將皆曰。善。○元羣臣勸太祖卽皇帝位。從之。定有天下之號曰明。建元洪武。立取士法。置翰林院。設起居注二員。記言動。○立妃馬氏爲皇后。帝語羣臣曰。后向遇朕征。輒以不殺爲勸。其視唐太宗長孫后尤過也。后聞曰。妾安敢比長孫后。但願陛下法堯舜耳。立標爲太子。命李善長等傅之。○命劉基定律令。曰。毋示兩端。令奸吏得託也。○定兵制。郡各一衛。有事詔總兵官佩將印督之。無事則還所佩印。權歸朝廷。○以太牢祀孔子。仍

定內侍官制

遣使訪求賢才  
立功臣廟于  
雞籠山

遣使曲阜致祭。○時廣東廣西福建山東悉平，乃命徐達直取元都。元主率后妃太子北遁。達等入城市，不易肆，止封其府庫圖籍，禁士卒侵暴。○遣使分行天下訪求賢才。○劉基致政歸，上手詔復召基至，賜其祖父公爵。○二年立功臣廟于雞籠山下，享太廟。詔曰：朕淮右布衣，因天下亂，率眾渡江，保民圖治，今十有五年，荷天眷佑，悉皆戡定。用是命將北征，齊魯之民饋糧給軍，不憚千里，朕軫厥勞，已免元年田租。其北平燕南河南山西今年田租悉除之。○定內侍官

大封功臣

制諭吏部曰：內臣但備使令，毋多人。馭之之道，當使之畏法，勿令有功。○常遇春克開平，七月卒于軍。詔李文忠領其眾。○三年徐達為征虜大將軍，李文忠、馮勝、鄧愈、湯和副之，分道北征。○時久旱，帝素服草屨，步禱山川壇，露宿，凡三日，大雨。○北征師還，告武成于郊廟。大封功臣：進李善長、韓國公、徐達、魏國公、封李文忠、曹國公、馮勝、宋國公、鄧愈、衛國公、常遇春子茂鄭國公、湯和等侯者二十八人，設壇親祭，戰沒將士。○四年潁川侯傅友德為征虜前將軍，率步騎由秦

四川悉平

開國文臣第

合祀天地

罷中書廢丞相

隴伐蜀克階州至重慶下成都四川悉平明昇降封

歸義侯○六年頒昭鑒錄訓誡諸王令有司上山川險

易圖○八年致仕誠意伯劉基卒基輔上籌畫中原每

抗言直議帝以子房况之賜誥曰學為帝師才本王

佐渡江策士無雙開國文臣第一卒之先以所習天

文祕書封授子榷上之○九年遣官省歷代帝王陵寢

禁芻牧○十二年始合祀天地于南郊○十三年胡惟庸

謀反伏誅惟庸誑言井出甘泉邀上往觀圖弑賴內使門者雲奇止駕為左右極死上覺族惟庸立廟以祀雲奇

○罷中書省廢丞相等官以胡惟庸故更定六

部官秩立中左右前後五軍都督府○十四年傅友德

藍玉沐英帥師征雲南諸路俱降雲南平○十五年馬

后崩后性恭儉既貴服澣濯之衣上以威武治天下

后嘗濟以寬仁及病不肯服藥曰死生有命使服藥

不瘳陛下寧不以愛妾之故而殺諸醫乎上痛悼終

身不復立后○十六年召征南師還沐英留鎮雲南復

鳳陽臨淮二縣民繇賦世世無所與又免畿內各府

田租○十八年魏國公徐達卒達用兵如神善拊循其

下得壯士與謀輒不殺恩結為我用所至民皆不擾

后嘗濟以寬仁

沐英留鎮雲南



好談經術古事

當老其才輔汝

法外用刑本非常典

歸朝。單車垂橐。生平無聲酒伎。勝之好。親禮儒生。好談經術古事。在北平。疽發背卒。上為輟朝。親製神道碑。○二十四年皇太子標薨。諡懿文。立皇孫允炆為皇太子。○徵方孝孺至。寧海人帝喜其舉動端嚴。謂皇孫曰。此莊士。當老其才輔汝。除漢中府學教授。○二十六年涼國公藍玉謀不軌。伏誅。坐其黨數萬人。○二十八年諭羣臣曰。朕起兵至今四十餘年。灼見情偽。懲創奸頑。或法外用刑。本非常典。後嗣止循律與大誥。不許用黥刺。剗鬲割之刑。又曰。朕罷丞相。設府部都察院。分

理庶政。事權歸于朝廷。嗣君不許復立丞相。皇親惟謀逆不赦。餘罪宗親會議。取上裁。○頒皇明祖訓條章于中外。○三十一年帝崩。年七十有一。

恭閔惠皇帝

名允炆。太祖孫。懿文子。號建文。在位四年。

帝生穎慧好學。性至

改定律法多從寬大。召方孝孺為侍講。

寬大。即位後。即召漢中教授方孝孺為翰林院侍講。○諸王以尊屬擁重兵。多不法。帝納黃子澄。齊泰謀欲因事削除之。憚燕王強。未發。乃先廢周王橚。湘。代。桂。齊。梅。岷。棟。皆以罪廢。燕王內自危。佯狂稱疾。建

燕王內自危

古史輯要卷六 明紀

七 海山仙館叢書

文元年下詔讓燕王并逮王府官僚。棟舉兵反。給謝  
貴張昺殺之。遂奪九門。上書天子。指泰子澄為奸。臣  
舉兵自署官屬。稱其師曰靖難。拔居庸關。克遵化。永  
平。耿炳文及燕兵戰于滹沱河。敗績。乃遣李景隆代  
領其軍。燕王聞之曰。李九江景隆小字豎子耳。寡謀而驕。  
其今之趙括乎。○二年李景隆軍敗。退駐德州。復合大  
軍進戰。繞出王後。飛矢雨注。王三易馬。矢盡劍折。走  
登堤。燕將士皆失色。會旋風起。折大將旗。王乘風縱  
火。官軍死者十餘萬人。郭英潰而西。景隆潰而南。參

鐵鉉誤傷王馬

政鐵鉉都督盛庸。悉力禦之。擊敗燕兵。濟南圍解。鉉詐  
降誘王至城。急下王以十餘騎逼庸營。野宿。及明起。  
鐵板誤傷王馬。視已在圍中。諸將以天子有詔。毋使負殺叔父名。愕  
眙不敢發一矢。是日復戰。兩軍相勝負。東北風忽起。  
塵埃蔽天。官軍大敗。○三年貶齊泰黃子澄。諭罷燕兵。  
王不奉詔。○四年詔天下勤王。慶成郡主如燕師。議割  
地以和不聽。燕兵渡江。盛庸戰于高資港。敗績。燕兵  
犯金川門。谷王穗及李景隆叛。納燕兵。都城遂陷。宮  
中火起。帝不知所終。燕王遣中使出。帝后屍于火中。

李景隆叛納燕兵

方孝孺被執不屈

百世後逃不得一箇字

越入日葬之。或云帝由地道出。滇黔巴蜀間相傳有帝為僧時往來跡。○燕王駐龍江。下令撫安軍民。大索齊泰黃子澄方孝孺等。榜其姓名曰奸臣。並夷其族。坐奸黨死者甚眾。方孝孺被執不屈。乃哀經入見。哀聲徹殿陛。王曰。我法周公輔成王耳。奈成王不在。何。曰。成王子固在。王曰。先生毋太苦。此吾家事耳。因授筆強之草。即位詔。孝孺擲筆于地。哭且詈。王大怒。命夷九族。親故坐死者八百餘人。○劉璟逮繫至京。見上猶稱殿下。且云殿下百世後。逃不得一箇字。

詔下獄。自經。尚書暴昭鐵鉉陳迪皆不屈死。

成祖文皇帝

名棣。太祖四子。號永樂。在位二十二年。

復周王橚。齊王榑。代

改北平曰順天府

王。岷王榘。舊封改北平曰順天府。○命解縉黃淮

入直文淵閣。尋命胡廣楊榮楊士奇金幼孜胡儼同

入直。並預機務。○二年。賜曾榮等進士及第。出身有差

始。選進士為翰林院庶吉士。○景清一日早朝。緋衣

入。先是日者奏異星犯帝座甚急。及朝。清獨著緋。收

之。得所藏刃。遂伏誅。命族之。籍其鄉。轉相攀染。謂之

瓜蔓抄。吏部請罪千戶。違例薦士者。上曰。馬周不因

選進士為翰林院庶吉士

瓜蔓抄

常何進乎。才則授官。否則罷之可耳。○以僧道衍為太子少師。復姓姚。賜名廣孝。○三年夏原吉等賑蘇松嘉湖饑。免天下農民戶口食鹽鈔。○七年以北巡告天地宗社。發京師。皇太子監國。○八年以北征詔天下。命夏原吉輔皇長孫瞻基留守北京。車駕出塞。次威虜鎮。以橐駝所載水給衛士。視軍士皆食。始進膳。更名臚胸河曰飲馬。聞本雅失里西奔。遂渡飲馬河追之。及於幹離河。縱擊大敗之。本雅失里僅以七騎遁。乃還。詔移師征阿魯台。○九年下交阯。右參議解縉于獄。

縉論事忤旨。謫交阯。聞上北幸。潛返見皇太子。上怒其擅歸。故殺之。○十二年親征瓦剌。敗之。馬哈木宵遁。遂班師。○十五年漢王高煦謀不軌。徙樂安。○胡廣為相。專事阿諛。有密投詩其家曰。漢朝胡廣號中庸。今日中庸又見公。○二十年親征阿魯台。次雞鳴山。虜宵遁。次西涼亭。亭故元往來巡遊之所。上望其頽垣遺址。樹木鬱然。謂守臣曰。元氏創此。將遺子孫為不朽之圖。豈料有今日。書曰。常厥德。保厥位。厥德靡常。九有以亡。况一亭乎。○二十二年阿魯台犯大同。開平。諭諸將親征。遂進師。抵白邨。山不見敵。

勒石于清水源之岷。旋師次蒼岷。成。不豫。傳位皇太子。年六十有五。楊榮等以六軍在外。祕不發喪。訃至京。皇太孫至軍中發喪。

仁宗昭皇帝

名高燾。成祖長子。號洪熙。在位一年。

成祖舉兵。世子守北平。

善拊士卒。以萬人拒李景隆五十萬眾。城賴以全。先是郡王高煦、高燧陰謀奪嫡。計不行。或問太子亦知有讒人乎。曰：不知也。吾知盡子職而已。內侍黃儼等謀立高燧。事覺。伏誅。高燧以太子力解得免。○賜吏部尚書蹇義及楊士奇、楊榮、金幼孜銀章各一。曰：繩

吾知盡子職而已

救民如救焚拯溺

愆糾謬。諭曰：前世人主惡聞直言。臣下相與阿附。以至于敗。朕與卿等當用為戒。○宥建文諸臣。外戚全家戍邊者留一人。餘悉放還。○帝聞山東及淮徐民乏食。有司徵夏稅方急。乃御西角門。詔大學士楊士奇草詔免稅糧之半。士奇請聞戶工二部。帝曰：救民之窮。當如救焚拯溺。不可遲疑。有司慮國用不足。必持不決之意。趣命具紙筆。書詔用璽。付外行之。○帝不豫。遣使召太子于南京。

宣宗章皇帝

名瞻基。仁宗長子。號宣德。在位十年。

帝稍長嗜書。知識傑出。

太平天子

永樂七年。從幸北京。命觀農具。及田家衣食。作務本訓授之。立為皇太孫。成祖每語仁宗曰。此他日太平天子也。諭邊將嚴守備。趣中官在外採辦者還。罷所市物。○漢王高煦反。帝親征。至樂安。兩遣書諭降。又以勅繫矢射城中。諭禍福。高煦出降。改樂安曰武定。州。班師。鋼高煦于西內。法司鞫煦同謀者。詞連晉王趙王。詔勿問。○侍讀李時勉。初以言事改御史。下獄。至是釋之。復為侍讀。○三立皇子祁鎮為太子。廢皇后胡氏。退居別院。立貴妃孫氏為皇后。○兀良哈寇

鋼高煦于西內

論棄交趾罪

騶虞不質

招隱詩

登萬歲山

會州。帝帥精卒三千人擊之。出喜峰口。親射其前鋒。寇望見黃龍旗。下馬羅拜請降。皆生縛之。○論棄交趾罪。王通等下獄。遣李琦羅汝敬立陳嵩為安南王。陳嵩卒。復遣使諭黎利立陳氏後。○四南京獻騶虞。二禮部表請賀。不許。○御製織婦幽風詩。猗蘭操。四言招隱詩。以賜羣臣。○張輔等從遊西苑。詔許乘馬登山。後上御舟。泛太液池。賜士奇等鱗魚醇酒。并御製詩。有樂有嘉魚之句。○帝登萬歲山。御廣寒殿。召儒臣侍。周覽都畿山川形勢。曰。此元之故都也。順帝

肆意荒淫。怠于政事。天下遂為我祖宗所有。侍臣叩首曰。紂之迹。周之監也。○薛瑄初長于詩賦。及見周程張朱之書。曰。此道學正脈也。遂焚其舊作。專事道學。以進士擢御史。三楊士奇。溥。欲一面瑄。曰。某忝糾劾之任。義無相識。三楊稱歎不已。○夏原吉天性寬平。烟幅無矯飾。嘗閱獄。撫案歎息。欲下而止者再。曰。吾筆一下。死生決矣。嘗夜過禁門。大雪。有欲不下馬者。吉曰。君子不以冥冥墮行。其敬慎如此。○五擢郎中。况鍾何文淵九人為知府。賜敕遣之。鍾初至蘇郡。陽

不解事。吏所欲行止。輒聽之。越三日。縛諸吏考掠悉發其弊。投庭下死者數人。吏大懼。復斥屬官貪暴庸懦者。由是上無通事。下無橫科。蘇人稱曰。况青天。○擢御史于謙。長史周忱。六人為侍郎。巡撫兩京山東山西河南江西浙江湖廣。○九自將巡邊。度居庸關。至洗馬林。閱城堡兵備。○十上崩。年三十有八。遺詔國家重務。白皇太后。

英宗睿皇帝

名祁鎮。宣宗長子。號正統。在位十四年。

○戶部上言。請覆核

浙江蘇松荒田稅糧。帝以覈實必增額為民患。不許

王振大作威福

女中堯舜

劉球陳十事

○王振初侍上于東宮及即位遂命掌司禮監大作威福一日太后御便殿召張輔及楊士奇楊榮楊溥胡濙入朝謂上曰此五人先帝所簡貽凡有行必與之計上受命頃命宣王振至太后顏色頓異欲誅之上跪為之請乃得解○四廣西僧楊行祥偽稱建文帝械送京師錮錦衣衛獄死○七太皇太后張氏崩太后稱女中堯舜臨崩語大臣曰朝廷大事尚有二事未辦一建文之號宜復一方孝孺之禁宜開時禁人藏孝孺書者○侍講劉球陳十事下錦衣衛獄太監王振使

指揮馬順殺之○八下大理寺少卿薛瑄于獄祭酒

李時勉荷校于國子監門皆以不附○九勅邊將備

瓦刺也先靖遠伯王驥右都御史陳鑑經理西北邊

備○十四瓦刺也先寇大同下詔親征羣臣諫不聽

命郕王居守至鷓兒嶺遇伏全軍盡覆次土木被圍

師潰死者數十萬英國公張輔泰寧侯陳瀛等皆死

帝北狩京師聞敗羣臣聚哭于朝徐瑾請南遷于謙

以為不可人心始定皇太后命郕王即位遙尊帝為

太上皇帝



景皇帝

名祁鈺。正統弟。初封郕王。號景泰。在位七年。

也先擁上皇至大同。索

金幣約還駕。郭登不納。

武定侯郭英子。

曰：虜給我也。且受命

守城。不敢擅啟。不得已。括城中銀萬餘兩。贖駕。虜笑

擁而去。

元年。

夷王振族籍其家。廷臣交章劾王振擅

權。誤國之罪。指揮馬順從旁叱各官去。給事王竑憤

起。立碎馬順首。奉旨籍振家。重堂邃閣。擬于宸居。器

服綺麗。上方不逮。更執振姪王山。鬻于市。○上皇在

虜。廷值聖節也。先來上壽。又嘗見上皇所御帳房有

火光。若黃龍盤護。上嘗指天象諭袁彬。哈銘曰：天意

天意有在我終當歸

有在我終當歸。

二年。

虜稍厭兵。遣使議還上皇。帝勅

謙防護京城。且議通使。謙曰：天位已定。誰復異議。但

迎還以弭邊患耳。乃遣楊善迎上皇也。先設宴餞行。

率眾羅拜。護送至野狐嶺。上皇還京師。帝率百官朝

謁。拜畢。相持而哭。各述授受意。推讓良久。乃送上皇

居南宮。

三年。

廢太子見深為沂王。

上皇子。

立皇子見濟

為皇太子。初上欲易儲。恐臣下不從。特進京官各一

秩。又密啖諸大臣以金。悉皆緘口。獨王直李侃洒泣

求退。

四年。

皇太子見濟薨。郎中章綸。御史鍾同。並奏

上皇居南宮

不殺于謙今日之事何名

太后備言謙經濟多難之

請復沂王為太子。下錦衣衛獄。同竟以杖死。○八年帝不豫。羣臣請建太子。不聽。石亨乃與徐有貞曹吉祥等謀迎上皇復位。夜半薄南城。毀門而入。掖上皇登輿。羣臣方早朝。會議儲事。忽聞呼噪至殿。相顧失色。而上皇已復辟矣。遂廢帝為郕王。下于謙王文於獄。誣以謀立外藩。上持之不下。徐有貞曰。不殺于謙。今日之事何名。謙不復自辨。遂遇害。

英宗睿皇帝號天順在位八年○元年論奪門迎復功。封石亨張軌等為公侯有差。○太后聞殺于謙。為上備言謙經

功

何必奪門

濟多難之功。上悔之。察迎立外藩事。愈無狀。每詰石亨張軌曹吉祥等。對曰。臣亦不知。乃徐有貞向臣言耳。帝深銜亨等。有貞遂有金齒之戍。○賜王振祭葬。立祠曰旌忠。○四年石亨有罪。下獄死。○帝言及奪門迎駕之功。李賢對曰。景帝不諱。陛下宜復位。天命人心。無有不順。何必奪門。且奪之一字。尤為非順。幸陛下洪福。事得濟。假使景帝左右先知之。不審置陛下何地。帝曰。然。今方悟此輩非社稷臣。不過貪圖富貴而已。于是詔革奪門功。陞者凡四千人。○五年曹吉祥

謀反伏誅。○八帝不豫，遺詔罷宮妃殉葬。

憲宗純皇帝名見深，英宗長子，號成化，凡二十二年。上孝事兩宮，從李賢

議，尊錢后為慈懿皇太后，貴妃周氏上生母為皇太后。

廢皇后吳氏，更立王氏為皇后。○二年，諭祭于謙，復其

子冕官。○李賢丁父憂，詔奪情起復，修撰羅倫力言

不可，疏諫切直，賢惡之，謫福建市舶司提舉。時羅倫

章懋、黃仲昭、莊景號、翰林四諫，謫官有差。○萬貴妃

專寵，兄弟皆官，朝士羣趨其門，學士萬安認為同宗

附之。○七年，立皇子祐為太子，次年薨，乃立祐榿為

太子。○十二年，置西廠以刺民事，令太監汪直主之，直

橫暴莫制，商輅、項忠請罷西廠，帝從之。未幾復設廠。

錦衣衛官校輒繫人于獄。○十四年，汪直行邊，所至院

道無不屈膝相迎，獨馬文升不為禮，直誣以罪，謫戍

○陳獻章授翰林檢討，致仕歸，往師吳與弼，杜門靜

坐，嘗曰：學須從靜中養箇端倪，方有商量處。未便靠

書本也。學者稱曰白沙先生。○十九年，謫汪直為奉御

其黨王越、戴縉等貶黜有差。○二十年，帝崩，年四十有

一。

孝宗敬皇帝

名祐。憲宗子。號宏治。凡十八年。

鄒智言萬安等小人也。

而據內閣宜退。王恕等君子也。而謫外方。宜進。帝從之。萬安戀戀不肯去。在道猶看三台星也。其無恥如此。○追諡生母紀氏為孝穆皇太后。○疏文武大臣及中外四品以上官姓名。揭文華殿壁。○三命天下預備倉積粟。以里數多寡為差。不及額者罪之。○罷內官燒造瓷器。○四以邱濬兼大學士。預機務。濬上大學衍義補。帝嘉之。○六停甘肅織造絨氈。○十召大學士劉健、李東陽、謝遷于文華殿議庶政。後以為

補  
上大學衍義

常。○十一罷福建織造綵布。○十二闕里先師廟災。

○邊寇屢警。劉大夏上軍政十弊。帝嘉納之。嘗謂大夏曰。今後凡有疑事。卿可寫揭帖密進。大夏對曰。不可。是即前代斜封墨敕之弊也。陛下所行。宜遠法帝王。公是公非。與眾共之。外付之府部。內咨之閣臣。可也。如用揭帖。萬一匪人冒居要職。害可勝道哉。帝稱善。○十五罷廣東採珠。○十七闕里先師廟成。○罷南京蘇杭織造中官。○始命兩京五品以下官。六年一考察。○十八五月。帝崩。年三十有六。

內使八黨

武宗毅皇帝

名厚照。孝宗子。號正德。凡十六年。

復遣內官南京織造。

帝好騎射。時內使八黨。劉瑾用事特甚。日導上弓馬。鷹犬為樂。戶部尚書韓文。帥廷臣請誅亂政內臣。馬永成等八人。大學士劉健。李東陽。謝遷。主之不聽。瑾哭訴曰。臣下敢行訕上者。由司禮監無人。也有則人不敢言矣。帝立命瑾掌司禮監。邱聚。谷大用。提督東西廠。張永。督十二團營。兼神機營。魏彬。督三千營。各據要地。○劉健。謝遷。致仕。罷韓文。○年一杖給事中艾洪。御史王良。臣等。以劉健。謝遷。韓文。五十三人。黨比。

宣戒羣臣。○敕各鎮守太監。預刑名政事。○作豹房。

○三命天下選樂工送京師。○逮致事尚書劉大夏。

下獄。戍肅州。大夏就道。京師焚香。攜饘泣餞。所至為

之罷市。○五帝自號大慶法王。○張永因寇盜盛起。

言于帝曰。皆劉瑾激成也。今瑾不自安。陰謀不軌。陛

下宜早擒治。帝就夜誅之。籍其家。金銀五千餘萬。他

貨無算。治其黨。戮吏部尚書張綵。尸于市。○六自畿

輔及江淮楚蜀。盜賊殺官吏。山東尤甚。至破九十餘

城。道路梗絕。○七李東陽致仕。○八以邊將江彬許

威武大將軍

泰分領京營賜國姓。○九年復寧王。名宸濠護衛。予屯田。閣臣費宏曰。苟遂其請。江西無噍類矣。力阻之不克。遂致仕。○乾清宮災。○十二年帝微服出德勝門。如居庸關。幸宣府。命谷大用守關。毋出京朝官。以前此梁儲。蔣冕等諫微行故也。親督諸軍。禦小王子。○十三年自宣府還宮。九月。如大同。偏頭關。自稱總督軍務。威武大將軍。總兵官朱壽。加封鎮國公。又自加太師。○十四年以諫巡幸。杖修撰舒芬等百有七人于闕下。又杖郎中董翬等三十九人。○宸濠異謀已露。帝遣顏

王守仁擒宸濠

頤壽等往諭。革其護衛。寧王遂反。誣帝為孝宗養子。巡撫孫燧。兵備副使許逵。死之。據南昌。陷南康。九江。順薄安慶。知府張文錦。死守卻之。遠近因得為備。江彬請親征。王瓊曰。有王守仁在。無慮也。守仁時巡撫南贛。與伍文定。知府帥兵直趨南昌。破之。宸濠聞急。棄安慶歸。守仁迎擊。執之。賊黨皆平。帝自將次涿州。守仁奏捷。至。祕不發。遂如南京。○十五年張忠等欲令縱宸濠于鄱陽。待帝自擒。守仁乘忠未至。俘宸濠。送通州。伏誅。帝還京師。告捷。陞賞守仁等有差。贈孫燧。許

古史輯要卷六  
三十一  
達等秩立廟祀之。○十六年。疾大漸。諭司禮監曰。前事皆由朕誤。非汝曹所能預也。崩于豹房。年三十有一。無子。遺詔召興獻王長子嗣位。

世宗肅皇帝

名厚。熹宗次子。興獻王子。武宗從弟也。號嘉靖。凡四十五年。

○正德中。言事罪廢諸臣。○錢寧江彬伏誅。籍其家。縱內苑禽獸。革錦衣衛。冒濫軍校三萬餘人。○梁儲致仕。卒。帝以迎立功。欲蔭其子。辭不受。儲有度量。言者詆其主試受賂。交通寧王。皆不辨。後寧王敗。得所餽簿。獨儲不與人始帖然。○命禮臣集議興獻王封號。廷臣議

尊武宗為皇兄。孝宗為皇考。孝宗后為皇太后。興獻王為叔父。母為叔母。不得加皇字。帝不允。進士張璁言朝議不過拘漢定陶王宋濮王故事耳。今聖考稱叔父。幽冥之中。或不可知。但迎養聖母。稱以叔母。則當以君臣禮見。恐子無臣母之義。臣謂繼統武宗而尊崇其親。則可繼嗣孝宗而自絕其親。不可也。上躍然下。璁奏。楊廷和等抗疏力爭。皆不聽。時迎母妃蔣氏至京。禮部奏用王妃儀仗。上泣啟皇太后。願避位奉母歸藩。以終孝養。羣臣惶怖。○三年。用主事桂萼議。

定稱孝宗為皇伯考。太后為皇伯母。興獻王為皇考。獻皇帝母曰聖母。杖修撰楊慎等。戍謫有差。○六年。以張璁為大學士。○七年。王守仁討廣西叛蠻。悉平之。○八年。王守仁以病篤。離任道死南安。帝謂其擅離。無人臣禮。命廷臣議功罪。桂萼言其倡為邪說。詆毀先儒。雖剿捕逆濠。論功足錄。然邪說之禁。不容姑貸。帝從之。奪其子孫封蔭。令伯爵終身。○六年。定孔子諡號。曰至聖先師孔子。易像為木主。另立啓聖祠。○上好瑞。四方白雀。白兔。白鹿。甘露。靈芝。瑞麥。嘉禾。無歲不獻。

羣臣表賀以為常。○十三年。廢皇后張氏。立方氏為后。

○十六年。上獻皇帝廟號睿宗。奉神主祔太廟。躋武宗

上。○大享上帝于元極寶殿。○十九年。太僕卿楊最諫

服丹藥。予杖死。○二十年。以嚴嵩為大學士。○帝幸曹

如宮。既寢。宮婢楊英以組經上頸。有張金蓮者。奔告

太后。馳救得免。楊英伏誅。曹妃王嬪磔于市。○二十年

加方士陶仲文少師。先是方士邵元節得幸。賜號致

一真人。卒贈少師。因薦陶仲文。加秩少保。少師少傅。

後封恭誠伯。○二十七年。總督三邊侍郎曾銑上邊務十

方士封伯  
棄河套



市  
俺答貢馬互

嚴嵩十罪五  
奸

入事。營陣八圖。議復河套。嚴嵩論銑妄開邊釁。殺之。并論夏言黨銑同斬。○八年。俺答大舉入寇。京師戒嚴。召大同總兵仇鸞及河南山東兵入援。○三十年。開馬市于宣府大同。員外楊繼盛言貢馬互市。謬有五不可有十杖貶。○三十一年。以徐階為大學士。○戮仇鸞傳首九邊。○三十二年。楊繼盛疏嚴嵩十罪五奸。略云。太祖罷相府而嵩居之。滅祖制也。詔旨出皇上而嵩矯之。奸大權也。皇上有善政。嵩每攘為己功。掩君美也。嵩之矯詔。皆子世蕃手出。縱奸子也。令孫嚴劾忠。妄

冒邊賞。竊軍功也。受仇鸞金三千。薦居大將。黨悖逆也。胡騎深入。屢戒勿戰。誤軍機也。徐學詩等以劾嵩削籍。擅黜陟也。選除貪吏。而百姓受毒。失人心也。貪污成風。牢不可破。壞風俗也。具此十罪。又有五奸。濟之。賂皇上左右。揣知上意而逢迎之。是皇上之左右。皆嵩間諜也。以趙文華為通政。凡疏必先投副封。是皇上之納言。皆嵩鷹犬也。懼緹騎緝訪。即與廠衛聯姻。是皇上之爪牙。皆嵩瓜葛也。畏臺諫有言。凡選舉必出其門。是皇上之耳目。皆嵩奴隸也。慮部臣不能

地震

平倭

無言。廣羅有才望者結之。是皇上之臣工皆嵩心腹也。帝大怒。廷杖。後處斬。天下傳誦冤之。先是錦衣經歷沈鍊劾嵩與子世蕃奸貪十大罪下獄。以他事斬。○海賊汪直糾倭寇瀕海諸郡。是時俺荅屢寇南北。無寧日。帝遣趙文華與胡宗憲討之。○三十四年山西隴西河南地大震。河渭溢。死者八十三萬有奇。○三十四年奉天華蓋謹身三殿災。○四十四年御史鄒應龍劾嚴嵩父子祖孫憑勢專權。疏入。帝令嵩致仕。子世蕃孫鵠等發烟瘴充軍。後世蕃以通倭伏誅。○三殿成。○分

遣御史訪求方士法書。○四十四年倭寇始自江浙蔓延淮泗青徐。上至蕪湖南京。分犯閩廣。流毒十餘年。至是為諸將屢破。泛海而去。○殺胡宗憲。○建玉芝宮。○四十五年戶部主事海瑞上疏。陛下初年遠過漢文。二十年來法度漸弛。今萬方懸罄。民不聊生。諸臣猶修齋設醮。天樂天桃。相繼表賀。夫元修以求長生也。然堯舜禹湯未有至今存者。陛下師事陶仲文。而仲文已死。彼既不能保其身。陛下何復神其術乎。上怒。下錦衣獄。○帝不豫。服方士王金長生藥而崩。年六十。

謹始十事

穆宗莊皇帝名載屋。世宗子。號隆慶。凡六年。釋海瑞獄。誅王金。追奪陶仲文秩。籍其家。罷一切齋醮工作。及例外採買。○大學士陳以勤上謹始十事。曰。畏天。法祖。用人。聽言。定志。愛民。從儉。攬權。保位。接下。帝嘉納之。○皇后陳氏移居別宮。王時舉等上疏乞正位中宮。帝曰。后多病。移居別宮。以暢意耳。汝不知內廷事。乃妄言耶。時舉曰。寧有夫婦睽違而意暢者乎。帝曰。待疾愈。卽還宮。無多言。○三御史詹仰庇言。陛下多取民膏。以供造鼇山。修治宮苑。使羣小因得乾沒。爲聖德累不小。帝

俺荅通和

怒斥爲民。○命廠衛密訪部院政事。帝朝講漸疎。百司章奏。皆命內臣傳旨。各宮豎日恣。○四俺荅孫把漢那吉來降。以爲指揮使。俺荅乞封。執叛人趙全等來獻。詔遣把漢那吉歸。厚賜之。○五封俺荅爲順義王。通貢市。邊境稍寧。○六築徐州至宿遷隄三百七十里。○帝不豫。太子年方十歲。召大學士高拱。張居正等受顧命輔政。崩年三十有六。  
神宗顯皇帝名翊鈞。穆宗子。號萬曆。凡四十八年。帝居乾清宮。見無鬚男子。假稱內使。左右執之。問其名。曰。王大臣。自總兵戚

繼光所來。下東廠鞫問。伏誅。張居正陰借以傾高拱。拱遂罷。自是居正威望日重。○察京官戒諭廷臣。詔曰。近歲士習澆漓。官方利缺。遂使朝廷威福之柄。徒爲人臣報復之資。用是薄示懲戒。餘皆曲貸。諸臣宜祓除前愆。共維新政。○命諸司立程限文簿。以防稽緩。○命繪天下疆域及京省文武羣臣姓名于御屏。朝夕省覽。○三編修張位上疏。請飭史職。略云。國家設起居注官。實古者左史記言。右史記事之制。邇來名存實廢。如編輯兩廟。世宗實錄。不過散取章奏。至

仗前柱下之語。爲章疏不及者。何憑修入。且稗官野史。流傳失真。皆史職缺廢所致也。乞早賜紀錄。以光大典。帝從之。始命日講官分直。記注起居。纂輯章奏。臨朝侍班。○書謹天戒。任賢能。親賢臣。遠嬖佞。明賞罰。謹出入。慎起居。節飲食。收放心。存敬畏。納忠言。節財用。十二事於座右。○命撫按官有司賢否。據實薦劾。○四御史劉臺論張居正逮下獄。削籍。○張居正丁父憂。帝命奪情起復。翰林吳中行。趙用賢。員外艾穆。主事沈思孝。四人交章論其忘親貪位。居正大怒。

學士王錫爵曲為慰解。居正曰：聖怒不可測。錫爵曰：即聖怒亦為公。居正屈膝於地，舉手索刃，作刎頸狀。曰：汝殺我，錫爵大驚，趨出。四人廷杖，謫戍有差。○六年，帝冠立皇后王氏，給事中李涑言張居正服制在身，不宜預執事，不允。○詔江南北開墾荒田。○七年，遣使分閱邊防。○覈兩畿山東陝西勲戚田賦。○八年，河工成。先是淮揚諸郡苦于水城郭陵寢害無寧歲，上憫之，發金八十餘萬，命御史潘季馴董其事，延袤八百餘里，兩堤夾峙，河流其中，自是陵寢獲安，棄地轉而

張居正請免  
通賦

耕桑矣。○賜張懋修等進士及第，出身有差。懋修居正之子也。○九年，裁各省冗官，覈徭賦，汰諸司冒濫冗費。○十年，張居正請免天下積年逋賦，疏云：百姓財力有限，即歲豐止供當年之賦，苟遇荒歉，現年錢糧尚不能辦，豈復有餘力完積逋哉？故帶徵一法，名為完舊欠，實則減新收也。今歲之所減，即為明年之拖欠，見在之所欠，又是將來之帶徵，誅求無已，民不堪命矣。况其間豪右不納固多，然窮民力不支亦有之，有司法不能行，豪右止能及小民，故催科之苦，小民獨當之耳。

從之。○張居正纂累朝寶訓實錄四十款進陳。○十年  
張居正卒。帝親祭之。命太僕卿護喪至江陵。○復建  
言諸臣職。○十一年。我

籍居正家

太祖高皇帝起兵征尼堪外蘭克圖倫城。○十二年。張居正  
既歿。言者不已。追奪官階。籍其家。榜其罪于天下。家  
屬戍邊。○十三年。命起海瑞為南京右都御史。瑞疏陳  
治安要機。于民事尤關切。御史有戲宴者。杖之。肅然  
奉法。尋以病卒。葛幃敝衾。有寒士所不堪者。○十四  
年。禁部曹言事。罷治京畿水田。○十七年。免陞授官面謝。

海瑞清節

請健儲

自是臨御遂簡。○十八年。元旦節。大學士申時行等朝  
賀畢。因具疏。皇長子常九齡矣。請冊立東宮。帝曰。朕  
無嫡子。長幼自有定序。即鄭妃亦請立再四。姑俟長  
子壯健。令出閣讀書。卿等無過慮。尋召皇長子立榻  
右。帝手執之。時行等熟視良久。賀曰。皇長子龍姿鳳  
目。岐嶷非凡。宜早定大計。帝曰。朕知之。○更定宗藩  
事例。始聽無爵者得自便。○十九年。享太廟。是後廟祀  
皆遣代。○諭廷臣國是紛紜。致大臣爭欲乞身。此後  
有肆行誣讒者重治。○京營軍官譁于長安門。○二十

倭犯朝鮮

年倭犯朝鮮。陷王京。國王李昫奔義州。求救。○二十一年。鄭貴妃寵幸。生子常洵。故儲位久不定。王錫爵密奏甚愴。帝曰。昨讀祖訓。有立嫡不立庶之條。今皇后年尚少。恐後有出。故不果。無已。將三子並封王。少待數年。俟后無出。再行冊立可也。錫爵曰。祖訓所載。蓋就嫡庶並生言之耳。今嫡子未生。而長子年已十二。豈容懸待。况陛下舊日。原無待嫡之說。今忽變更。跡似可疑。去年之命。既改于今日。焉知今日之命。不改于他年乎。且元子封王。祖訓無之。臣見民間子。未有十

復建文年號

中官開礦

二三歲不讀書者。陛下既不卽行冊立。請令出閣。豫教。帝不得已。允之。○李如松救朝鮮。倭遁。尋遣小西飛請款。○二十三年。詔復建文年號。○大學士趙志臯等請發留中章奏不報。○二十四年。復議封倭。○始遣中官開礦于畿內。未幾。河南。山東。山西。浙江。陝西。悉令開採。以中官領之。羣臣屢諫不聽。○倭平秀吉不受封。復侵朝鮮。○始命中官權稅通州。是後各省皆設稅使。○皇極中極建極三殿災。○二十七年。劉綎麻貴分道擊倭。敗之。倭始去。以倭平詔天下。○二十九年。立皇長子

獲妖書

為皇太子。○三十一年法司閣臣屢請熱審。不報。○獲妖書。言帝欲易太子。指斥鄭貴妃。詔五城大索。中外危疑。帝召見太子于啟祥宮。諭曰。無恐。此必逆惡捏造。離間我父子兄弟。動搖天下也。因出御筆訓諭一冊。賜太子。後得皦生光者磔之。獄乃解。○三十一年閣臣請補司道郡守。及遣巡方御史。不報。○羣臣伏文華門。疏請修舉實政。降旨切責。○三十三年鳳陽大風雨。毀陵殿神座。○三十四年大學士請補六部大僚。不報。○三十三年給事中翁憲祥言。撫按官解任。宜俟命。不宜聽其自

劾東林講學諸人

云。不報。○閣臣葉向高上疏言。天下治亂。不于其形。于其幾。治非豐亨之說也。朝政清明。庶官輯睦。即謂之治。亂非禍變之說也。法紀凌遲。人心囂競。即謂之亂。今天下治耶。亂耶。門戶漸立。釁隙彌開。始而臭味。繼而參商。終而水火矣。始而旁觀。繼而佐鬪。終而操戈矣。株連蔓引。暮跖朝夷。可勝道哉。請發羣臣相攻諸疏。公論是非。以肅人心。不報。○左都御史詹沂封印自去。是後尚書趙世卿。孫丕揚。孫瑋。趙煥。閣臣李廷機。皆拜疏自去。○三十九年御史徐兆魁。疏劾東林講



二十餘年不見大臣

張差梃擊

學諸人陰持計典自是諸臣益相攻擊。○四十年。南京御史言臺省空虛。諸務廢墮。上深居二十餘年。未嘗一接見大臣。天下將有陸沉之憂。不報。○四十年。福王常洵始就國。○四十年。薊州男子張差持梃入慈慶宮。擊傷守門內侍。太子奏下刑部獄。主事王之案揭言張差獄情。事復連鄭貴妃內璫。帝命戮差于市。璫內璫二人于禁中。梃擊之案從此始。尋召廷臣入見。帝問太子曰。汝有何語。太子曰。獄已具。不必株連。帝因宣示羣臣曰。我父子何如親愛。而外庭妄添議論耶。

○四十年。我

大清兵克撫順城。命楊鎬經略遼東。○四十年。楊鎬大舉誓師。分四路出塞。杜松遇我

楊鎬四路喪師

大清兵于吉林崖戰死。馬林敗于飛芬山。復敗。沒。劉綎接戰。克營寨十餘。恃勇深入。至阿布達里岡。遇伏。重圍夾擊。綎不支。遂没于陣。獨李如柏以經畧令班師。護全報。至舉朝喪氣。逮鎬。以熊廷弼代之。廷臣請增兵發餉。視朝行政。皆不報。○四十年。帝崩。年五十八。光宗貞皇帝名常洛。神宗子。號泰昌。在位一月。贈劉綎秩。立廟祀之。廢

李可灼紅丸

其後遣使祭陣亡將士。○再發帑金百萬犒邊。盡罷天下礦稅。起建言得罪諸臣。帝不豫。內醫崔文昇下通利藥。患痢甚。召大學士方從哲等入見。命皇長子出見。冊封李選侍為貴妃。鴻臚寺官李可灼進紅丸。夜崩。年三十有九。熹宗即位。從廷臣議。改萬曆四十八年八月後為泰昌元年。

熹宗愍皇帝

名由校。光宗子。號天啟。在位七年。

時選侍李氏居乾清宮。

請選侍移宮

周嘉謨左光斗疏請選侍移宮。御史王安舜疏論李可灼進藥之誤。紅丸移宮二案自是起。己卯。選侍移

請逐客氏斬忠賢

仁壽殿。庚辰。即皇帝位。○蔭太監魏忠賢。初名進忠。兄錦衣衛千戶乳保客氏為奉聖夫人。官其子忠賢。河間蕭寧人。少黠慧無藉。與諸少年博。多負。走匿市肆中。諸少年追窘之。因自宮。時熹宗為皇太孫。忠賢謹事之。導之宴遊。甚得皇太孫歡心。客氏定與民侯二妻。年十八入宮。與忠賢私通。上即位。御史方震孺請逐客氏。斬忠賢。帝令客氏出宮。忠賢發大監王安鞠問。安詰責令自新。得釋。客氏夤緣復入宮。忠賢嫉安。嗾給事霍維華劾之。客氏從中附和。遂矯旨革安職。逼

謫周宗建

令自裁。安既死而忠賢益無忌憚矣。○命袁應泰代熊廷弼經畧遼東。○方從哲致仕。○元年御史王心一請罷客氏香火土田。魏忠賢陵工敘錄不報。時上以護聖躬給護。香火田二十頃。魏忠賢侍衛有功。入陵工敘錄。除齊泰黃子澄戚屬。戍籍。○我

大清兵取遼陽。經畧袁應泰死之。京師戒嚴。○命熊廷弼經畧遼東。王象乾總督薊遼軍務。○永寧宣撫使奢崇明反。殺巡撫徐可求。據重慶。分兵陷合江納溪等圍成都。○御史周宗建請出客氏于外。不聽。倪思輝

舉內操

朱欽相等相繼言。俱謫外任。○以熊廷弼王化貞屢議戰守不合。遣使宣諭。○二年我

大清兵取西平堡。副將羅一貴死之。總兵劉渠祁秉忠敗沒。王化貞走閭陽。與熊廷弼等俱入關。○永寧賊將羅乾象約降。與官軍共擊賊。成都圍解。○孫承宗人閣預機務。○命王在晉經略遼薊。天津登萊軍務。○舉內操。鉦鼓聲喧闐宮禁。御史劉之鳳疏諫。畧云。虎符重兵。何可授于巷伯之手。假令劉瑾擁甲士三千。能束縛就擒乎。時李應昇黃尊素等繼之。皆切責。

錄方孝孺遺嗣予祭葬及諡○山東白蓮賊徐鴻儒  
反攻陷州邑命總兵楊肇基帥兵討擒之○命孫承  
宗督理薊遼軍務○封皇弟由檢為信王○三顧秉  
謙魏廣微俱入閣預機務○光宗選侍趙氏與客魏  
不協矯旨賜死裕妃張氏成妃李氏俱譖死復掩殺  
胡貴人以暴疾聞○魏忠賢總督東廠○四左副都  
御史楊漣劾魏忠賢二十四大罪畧云忠賢一市井  
無賴人中年淨身黃入內地初猶謬為小忠小信以  
倖恩既乃敢為大奸大惡以亂政祖制票擬託閣臣

忠賢二十四  
大罪

自忠賢擅權旨意多出傳奉壞祖宗二百年之政體  
大罪一劉一燝周嘉謨顧命大臣忠賢翦已之忌不  
容皇上不改父之臣大罪二先帝賓天實有隱恨執  
春秋討賊之義者孫慎行也明萬古綱常之重者鄒  
元標也忠賢皆嗾之使去顧于黨護選侍之沈灌曲  
意綢繆終加蟒玉親亂賊而讐忠義大罪三王紀鍾  
羽正功在國本忠賢俱陷之削籍必不容正色立朝  
之臣大罪四國家最重枚卜忠賢一手握定力阻前  
推之孫慎行盛以宏豈真欲門生宰相乎大罪五爵

人莫重。廷推太宰少宰所推皆黜。陪貳顛倒。有常之  
銓政。掉弄不測之機權。大罪六。聖政初新。正資忠直。  
滿朝薦文震孟等。稍忤忠賢。盡令降斥。屢經恩典。竟  
阻賜環。長安謂天子之怒易解。忠賢之怒難調。大罪  
七。然猶外廷之臣子也。傳聞宮中貴人荷上寵。注忠  
賢。恐其露已驕。橫托病掩殺。是皇上不能保其貴。幸  
矣。大罪八。然猶曰無名封也。裕妃以有姪得封。忠賢  
以抗不附已。勒令自盡。是皇上不能保其妃嬪矣。大  
罪九。然猶曰在妃嬪也。中宮有慶。已經成男。乃繞殿

流虹之祥。化爲飛星墮月之慘。忠賢與奉聖實有謀  
焉。是皇上不能保其子矣。大罪十。王安護持先帝青  
宮四十年。皇上受命。擁護不可謂無勞。忠賢以私忿  
矯殺。是不但仇王安。實仇先帝之老奴。大罪十一。獎  
賞祠額。要挾無窮。近又毀人房屋。以建牌坊。鏤鳳雕  
龍。干雲插漢。又不止于塋地。擅用朝官規制。僭擬陵  
寢而已。大罪十二。廕中書。廕錦衣。如魏良弼等。五侯  
七貴。何以加茲。大罪十三。用立枷法以示威。枷號家  
人者。欲扳陷皇親也。扳陷皇親者。欲動搖三宮也。若

非閣臣力持。椒房之戚。又興大獄矣。大罪十四。生員章士魁以爭煤窰。傷其墳脈。托言開礦而致之死。趙高鹿可爲馬。忠賢煤可爲礦。大罪十五。伍思敬等以侵占牧地細事。徑致困窮。草菅士命。大罪十六。科臣周士樸執糾織監一事。在工言工。忠賢擅停其陞遷。大罪十七。鎮臣劉儵不肯殺人媚人。自是在刑言刑。忠賢以不善鍛鍊。竟令削籍。大罪十八。科臣魏大中到任已奉明旨。鴻臚寺忽傳詰責。煌煌天語。朝夕紛更。令天下視皇上爲何如主。大罪十九。自忠賢受事。

東廠雞犬不寧。野子傳應星等造謀告密。投畀設網。勢不至于興同文之獄。刊黨錮之碑不已。大罪二十。前韓宗功潛入長安。偵探虛實。往來忠賢之家。大罪二十一。創立內操。使羽黨盤踞。昔劉瑾招納亡命。曹吉祥傾結達官。忠賢蓋已兼之。大罪二十二。進香涿州。警蹕傳呼。清塵墊道。儼然乘輿。大罪二十三。聞今春忠賢走馬御前。皇上曾射殺其馬。退有怨言。介介不釋。從來亂臣賊子。只爭一念放肆。奈何養虎兇於肘腋間乎。大罪二十四。疏入。忠賢亦惴惴不得已。泣。

訴御前。客氏又從中委曲保持。遂令魏廣微調旨。廣微素結忠賢。次日下漣疏切責之。南北諸臣等効忠賢者。相繼不下百餘疏。皆不納。○杖殺工部郎中萬燦。逮杖御史林汝翥。璟管寶泉局疏請內監廢銅。忤忠賢。至是復疏劾之。忠賢矯旨令羣閹至燦寓。捽之而出。及至闕。命立斃杖下。林汝翥閣臣葉向高鄉人。忠賢欲借之以傾向高。忽中旨逮汝翥。被杖幾斃。向高疏奏不聽。遂致仕。○削楊漣左光斗籍。○五年毀天下東林講學書院。○起崔呈秀復為御史。初呈秀以

貪污為都御史高攀龍所糾。乃賂忠賢願為子。遂出中旨免勘起用。○大理寺丞徐大化劾楊漣左光斗黨同伐異。招權納賄。工部主事曹欽程復劾趙南星。周宗建張慎言李應昇高攀龍黃尊素鄒維漣魏大中。誣以受熊廷弼賄。指汪文言為証。○讞汪文言獄。逮楊漣左光斗袁化中魏大中周朝瑞顧大章下鎮撫司獄。相繼死獄中。○熊廷弼下獄。魏忠賢以其所攜遼東圖畫指為妖書以獻。特寘重辟。棄市。傳首九邊。○榜東林黨人姓名。頒示天下。崔呈秀授忠賢黨

人姓名。首列葉向高韓爌孫承宗劉一燝趙南星楊  
漣高攀龍左光斗孫居相等。次列孫鼎相徐良彥等。  
名曰天鑒錄。又有同志錄。點將錄。一時正人羅織殆  
盡。○起用阮大鍼等十一人。○六年修三朝要典。以紅  
丸挺擊移宮三案。編輯成書。○我

大清

兵圍寧遠。參政袁崇煥固守。圍解。以袁崇煥為僉都  
御史。專理軍務。○逮前應天巡撫周起元。主事周順  
昌。都御史高攀龍。諭德繆昌期。御史李應昇。周宗建。  
黃尊素。攀龍削籍家居。杜門著書。聞緹騎至。手繕遺

衆怒叢毆緹騎

疏。自投池中死。順昌吳人。士民素敬順昌。緹騎至。一  
郡沸然。順昌囚服出門。擁送者不下數千人。赴巡撫  
署。懇其疏救。巡撫毛一鷺流汗不能出一語。緹騎厲  
聲曰。東廠逮人。鼠輩敢爾。市人顏佩章等前曰。旨出  
朝廷。乃東廠耶。衆怒。叢毆緹騎。立斃一人。順昌潛行  
就獄。與起元等先後拷掠。並死獄中。○設各邊鎮監  
軍內臣。太監劉應坤鎮守山海關。大學士丁紹軾等  
諫不聽。○論寧遠解圍功。封魏忠賢從子良卿肅寧  
伯。○袁崇煥巡撫遼東山海。○浙撫潘汝楨請建魏



免逮死諸臣

忠賢生祠許之。嗣是建祠幾徧天下。○陝西流賊起。由保寧犯廣元。○進魏忠賢爵上公。予誥券加賜莊田一千頃。予魏良卿鐵券。○七年監生陸萬齡請建魏忠賢生祠于太學。傍歲祀如孔子。○帝不豫。遺詔以信王嗣位。諭以魏忠賢王體乾忠貞可寄大事。封忠賢姪良棟為東安侯。

莊烈愍皇帝

名由檢。光宗第五子。熹宗弟。封信王。號崇禎。在位十七年。

安置魏忠賢

于鳳陽。自縊死。尋戮其屍。○撤各邊鎮守內臣。○免天啓時逮死諸臣。贖其家屬。○魏良卿客氏子侯

日御文華殿

陝西流賊大起

國興俱伏誅。○元年命袁崇煥為兵部尚書。督師薊遼。○燬三朝要典。○削魏忠賢黨。馮銓魏廣微籍。○海寇鄭芝龍降。○詔非盛暑祁寒。日御文華殿。與輔臣議政。○革廣寧及薊鎮塞外諸部賞。諸部飢。告糴。不許。陝西飢民苦加派。流賊大起。米脂人李自成往投焉。分掠鄜州延安。○二年定逆案。自崔呈秀以下凡六等。○皇長子慈煥生。○裁驛站。○流賊犯三水。遊擊高從龍戰沒。○袁崇煥殺毛文龍于雙島。文龍請餉。崇煥專主款。惡文龍乃決計斬之。○總兵侯良柱擊

斬奢崇明。水西賊平。○我大清兵入遵化。薄德勝門。京師戒嚴。徵天下鎮巡官勤王。袁崇煥入援。召見平臺。責以逗留罪。下獄。○順天府尹劉宗周上言。陛下勵精圖治。庶幾太平。可致。然不免見小利而慕近功。今日所亟亟于近功者。非遼事乎。竭天下之力以養飢軍。而軍愈驕。聚天下之軍以冀一戰。而戰無日。此計之左也。今日所規規于小利者。理財也。民力已竭。而有司以培克為循良。以催科為殿最。赤子無寧歲矣。其後國事大壞。盡如宗周言。

禁抄傳邊報

流賊犯山西

○以周延儒為大學士。預機務。○三年禁抄傳邊報。○延綏甘肅兵潰。西去。與羣寇合。○立皇長子慈烺為皇太子。○流賊犯山西。陷蒲縣。○流賊王嘉允陷府谷。延綏賊張獻忠聚眾應之。巡撫洪承疇總兵杜文煥敗賊張獻忠于清澗。○山西總兵王國樑追賊于河曲。敗績。賊陷寧塞。○殺袁崇煥。○進溫體仁大學士。預機務。○四年總督楊鶴招撫流賊于寧州。羣賊偽降。尋復叛。陷甘泉。○曹文詔擊賊于河曲。王嘉允敗死。王承恩敗賊于鄜州。降賊首上天龍。賀虎臣斬賊。

內臣監兵

得人不能用

劉六于慶陽。○以洪承疇總督三邊軍務。○內臣王應朝、鄧希詔等監視關寧薊鎮兵糧。李奇茂監視陝西茶馬。呂直監視登島兵糧。海禁羣臣合疏諫。不聽。召對廷臣。復語及內臣。帝曰：諸臣若實心任事，朕亦何需此輩。○登州遊擊孔有德率師援遼。次吳橋。反陷陵縣、臨邑、商河、齊東、屠新城。○流賊羅汝才犯山西。是冬延安慶陽大雪，民飢盜賊益熾。○中允倪元璐上言：黃道周以謬誇承貶，劉宗周以骯髒投閒。天下本無人，得其人又不能用。誰為陛下奮其忠良者。

華允誠刺溫體仁

○<sup>五</sup>年孔有德連陷山東州郡。命侍郎劉宇烈討之。孔有德偽降，誘執登萊巡撫謝棟。○陝西賊入山西，連陷大寧、澤州。分部走河北，犯懷慶，陷修武。○員外華允誠上言：三大可惜，四大可憂。刺溫體仁，上切責之。○<sup>六</sup>年曹文詔節制山陝諸將討賊。○副將左良玉破賊于涉縣。賊走林縣山中，飢民爭附之。○命曹文詔諸將限三月平賊。左良玉勦河南賊。曹文詔敗賊于濟源。又敗之于懷慶。尋改曹文詔鎮大同。賊遂渡河。連陷澠池、伊陽、盧氏。分犯南陽、汝寧。遂逼湖廣。○孔

有德及其黨耿仲明等航海降于我

大清○太監張秉憲請催進賦一千七萬餘兩給事范淑泰諫不聽○年七廣鹿島副將尙可喜降于我

大清○設山陝河南湖廣四川總督專辦賊以延綏巡撫陳奇瑜爲之○總兵張應昌渡河敗賊于靈寶賊自鄖陽渡漢犯襄陽連陷紫陽平利自河南入四川陷夔州大寧諸縣俱失守自四川走湖廣副將楊世恩追敗之于石河口復自湖廣走盧氏靈寶總督陳奇瑜鄖撫盧象昇會師于上津勦湖廣賊張獻忠流入

李自成詐降

漢南官軍圍高迎祥李自成諸賊于興安之車箱峽會大雨兩月賊食盡自成賄奇瑜左右詐降奇瑜意輕賊許之縱出險即大譟盡屠所過七州縣而他賊數萬又會之賊勢愈張逮陳奇瑜下獄○我

大清兵入上方堡至宣府詔陳洪範守居庸丁魁楚守紫荆雁門我

大清兵克保安沿邊諸城堡多不守遣總兵尤世威等援邊總督張宗衡節制各鎮援兵我

大清兵克萬全左衛旋師出塞○李自成圍賀人龍于隴

李自成竄入終南山

溫體仁庸奸誤國

賊十三家

州。洪承疇檄總兵左光先與人龍合擊。大破之。以賊聚陝西。詔豫楚晉蜀兵四道入陝。李自成竄入終南山。已而東出。陷陳州。分犯湖廣河南。○入主事賀王盛劾溫體仁庸奸誤國。謫外。○張獻忠連破河南江北諸縣。陷鳳陽。焚皇陵樓殿。留守朱國相等戰死。事聞。帝素服哭。遣官告廟。逮漕運總督楊一鵬。棄市。援兵至鳳陽。獻忠東圍廬州。陷江北十餘州縣。復走漢中。還河南。○命洪承疇出關討賊。李自成大會諸賊于滎陽。共十三家。老回回曹操革裏眼左金玉改世王射塌天橫天王混十萬過天星

九條龍順天王及迎祥獻忠七十二營分道距官兵總兵鄧玘曹

文詔。連敗之。洪承疇會師于汝州。分部諸將防豫楚要害。曹文詔追賊至真寧。遇伏。力戰死。會自成與獻忠不協。自成偕迎祥西趨歸德。復入陝西。陷咸陽。獻忠東下廬州。○命盧象昇總理直隸河南山東湖廣四川軍務。○洪承疇敗賊于關山鎮。李自成東走。復與張獻忠合。總兵祖寬破賊于汝州。會象昇共敗李自成于確山。左良玉敗賊于閩鄉。老回回諸賊自河南犯陝西。承疇敗之于臨潼。○帝下詔罪已。避居武

自成復與獻忠合

下詔罪已

倪元璐奏免  
逋賦

英殿減膳撤樂示與將士同甘苦○撤監視總理內  
官惟京營及關寧如故○鄭芝龍擊敗海賊劉香香  
自殺眾悉降尋授芝龍總兵○戶部尚書侯恂請嚴  
徵新舊逋賦從之○倪元璐奏免逋賦畧云盜賊之  
禍震及祖陵下詔罪已非徒空言也今民最苦無若  
催科一應逋賦宜與蠲除雜解改從折色于下誠益  
于上無損及今不圖必至無地非兵無民非賊陛下  
亦安得執空版而問諸燐燹之區哉○九年張獻忠圍  
滁州盧象昇祖寬大敗賊于朱龍橋○以淮安武舉

政府覘上意

推自成爲闖  
王

陳啓新爲給事中啓新本庸人時政府覘上意必有  
闕門特達之典故令啓新上書跪正陽門太監曹化  
淳聞于上立致省垣啓新既進惟從事敝車羸馬以  
逢迎上意○盧象昇勦河南賊高迎祥李自成分部  
入陝西餘賊自光化走湖廣陝撫孫傳庭擊擒賊首  
高迎祥于盩厔送京師伏誅賊黨推自成為闖王洪  
承隴敗賊于隴州賊走慶陽鳳翔○張獻忠犯襄陽  
○我

大清兵入昌平寶坻連下近畿州縣命尙書張鳳翼督諸

鎮援兵改廬象昇總督宣大山西軍務。○侍郎劉宗周以論內臣及大學士溫體仁削籍畧曰。自己己以來。無日不綢繆未雨。而禍亂一至于此。小人進而君子退。中官用事而外臣寢疎。朝政日隳。邊政日壞。皇上惡私交。而臣下多以告訐進。皇上錄清節。而臣下多以曲謹容。皇上崇勵精。而臣下奔走承順。以為恭。皇上尚綜覈。而臣下瑣悉苛求。以示察。窺其用心。無往不出于身家利祿。皇上不察而用之。則聚天下之小人。立于朝而不覺矣。嗚呼。八年之間。誰秉國成。臣

于是難為首揆。溫體仁解矣。○十年老回回諸賊趨江北。張獻忠羅汝才自襄陽犯安慶。南京大震。左良玉等合兵援之。大破賊。賊走潛山之天王古寨。巡撫張國維檄良玉搜山。良玉不應。尋北去。賊乃復出太湖。連蕲黃。敗官軍于豐家店。會援兵至。復破賊。賊皆遁。獻忠入湖廣。命總督熊文燦總理南京河南山陝川湖軍務。駐鄖陽討賊。○李自成自秦州犯四川。陷昭化。劍州等十餘州縣。進攻成都。七日不克。溫體仁罷。體仁性忌刻殘忍。佐政以來。漫無經畫。惟斤斤自

守體仁斤斤自

守不殖貨賄。故上信之。○是年朝鮮降于我。

加派輸納事例

大清

○工部尚書劉遵憲。上加派輸納事例。○詔求直言。清刑獄。諭德黃道周上言。陛下方求言而建言者。輒斥方清獄而下獄者。旋聞上不憚。○十一年。洪承疇敗賊于梓潼。又敗之于潼關南原。自成盡亡其卒。竄伏商洛山中。○獻忠為左良玉前鋒。羅岱射中額。病創甚。適總理熊文燦刊檄撫賊。獻忠乃偽降。文燦受之。獻忠仍據穀城。○楊嗣昌入閣預機務。○賊羅汝才以戰敗乞降。○我

李自成竄商洛山中

張獻忠偽降

論楊嗣昌奪情

大清兵入牆子嶺。盧象昇入援。旋敗于鉅鹿。死之。○黃道

周以論楊嗣昌奪情。謫外。○十二年。我

大清兵入濟南。執德王由樞。下畿內山東七十餘城。劉宇

亮孫傳庭會師十八萬于晉州。不敢進。劉宇亮罷。○

張獻忠叛于穀城。羅汝才等起兵應之。十三家降賊。

一時並叛。隳穀城。陷房縣。左良玉擊之。敗績于羅睺。

山。羅岱死之。○大學士楊嗣昌督師討賊。總督以下

並聽節制。嗣昌誓師襄陽。左良玉為平賊將軍。專力

勦獻忠。○十三年。總督鄭崇儉大破張獻忠于瑪瑙山。

張獻忠復叛



自成卜于神

擒獻忠妻妾獻忠率千餘騎竄歸興山中。○羅汝才犯夔州石柱女官秦良玉連戰却之。總兵柳應元等又破之于興山。汝才走巫山。與張獻忠合。尋陷大昌。劍州。棉州。瀘州。北渡走漢川。復自巴至開縣。○官軍圍自成于巴西。自成大困欲自經。養子雙喜勸而止。自成卜于神吉。軍中壯士多從之。乃輕騎由鄖均走河南。飢民從者數萬。連陷宜陽永寧。殺萬安王采鑿。陷偃師。勢大熾。○十四年。總兵官猛如虎追張獻忠及于開縣之黃陵城。賊遂東下。陷襄陽。襄王翊銘貴陽。

獻忠投自成

王常法並遇害。尋陷河南州縣。羣盜附者萬計。左良玉追敗之信陽。獻忠東奔。又為副將王允成所破。眾散且盡。投自成。羅汝才與五百騎糾土賊一斗穀等。眾復盛。○李自成得李信牛金星宋獻策等。說自成以所掠財物賑飢民。從者益眾。正月攻河南城陷。福王常洵遇害。前尚書呂維祺死之。遂移攻開封。周王聞賊至。發庫金募死士。與御史高明衡等固守。自成解圍去。連陷葉縣洧川許州。并南陽等十四城。再圍開封。總兵陳永福力拒之。射中自成目。○周延儒賀

射中自成目

逢聖復入閣。○我

大清兵攻錦州。洪承疇來援。駐師松山。戰敗。總兵吳三桂。王樸自松山遁。諸軍夜潰。○十五年孫傳庭督京軍。救開封。總兵楊文岳援開封。賊解去。南陷西華。睢州歸德府數十郡縣悉殘毀。復攻開封。諸援軍皆屯河北。不敢進。賊決河灌城。城潰。士民溺死者無算。得脫者。惟周王妃世子及撫按以下。不及二萬人。賊亦漂沒萬餘。乃拔營西南去。自成收羣賊。連營五百餘里。再屠南陽。攻汝寧。由確山陷襄陽。據之。分兵陷荊州。焚

決河灌開封

獻陵。○總兵黃得功。劉良佐。大敗張獻忠于潛山。○我

大清兵克松山。洪承疇降。祖大壽以錦州降。巡撫邱民仰等死之。十一月。

大清兵分道入塞。克薊州。畿南郡邑多不守。趨曹濮。山東州縣相繼下。○帝下詔罪已。命勲臣分守九門。太監王承恩督察城守。徵諸鎮入援。○十六年周延儒自請督師。許之。○我

大清兵北歸。戰于螺山。八鎮兵皆潰。○魏藻德入閣預機

勲臣分守九門

務周延儒罷。○張獻忠陷漢陽。執楚王華燿。籠而沈諸江。遂僭號。改武昌爲天授府。蘄黃等二十一州縣俱附。左良玉兵復西上。僞官吏多被擒。獻忠懼。復陷岳州。趨長沙。巡撫劉熙祚奉吉王惠王走衡州。尋破。又走永州。廣西賊遂東犯江西。決策入川。○李自成陷承天府。殺羅汝才并其衆。陷潼關。尋陷西安。執秦王存樞。連陷延安鳳翔榆林。陝西地悉歸自成。又遣賊渡河。陷平陽。詔以余應桂總督三邊討賊。然全陝已沒。不能進。初自成據襄陽。自號奉天倡義大元帥。

李自成稱王

改襄陽曰襄京。置僞官。及是改西安曰長安。稱西京。○京師大疫。○周延儒有罪。賜死。○十七年李自成稱王于西安。○幸正陽門樓。餞李建泰出師。○張獻忠入四川。○自成渡河。破汾州。陷太原。執晉王存桂。北徇忻代。由柳溝逼居庸。○詔天下勤王。命廷臣上戰守事宜。李邦華等請南遷。及太子撫軍江南。皆不聽。封總兵官吳三桂左良玉唐通黃得功俱爲伯。徵諸鎮兵入援。命唐通內臣杜之秩守居庸關。太監王承恩提督城守。○李自成至宣府。太監杜勳杜之秩總

曹化淳啟彰  
義門

兵唐通俱降。賊遂入關。陷昌平。犯京師。京營兵潰。太監曹化淳啟彰義門。賊盡入皇城。不守。帝崩于萬歲山。王承恩從死。御書衣襟為遺詔。皇后周氏先一日崩。自大學士范景文而下死者數十人。賊遷帝后梓宮于昌平。昌平人啓田貴妃墓以葬。明亡。是年夏四月。我

大清破賊於山海關。自成奔永平。我兵逐之。自成復奔還京師。大掠西走。五月二日。我

大清兵入京師。下令安輯百姓。為帝后發喪。以帝禮改葬。

議諡號。遺將追自成。與戰連破之。自成中流矢。鳩合潰散。歸西安。我兵攻拔之。自成復走武昌。為我兵所迫。部眾多降。自成走延寧。至通城。竄於九宮山。畧食山中。為村民所困。自縊死。或曰村民方築堡擊之。腦中鉏死。獲自成從父偽侯斬之。是年張獻忠據成都。即偽位。分屠各州縣。將卒以殺人多少敘功次。共殺男女六萬萬有奇。川中民盡。乃謀窺長安。率眾出川北。我兵至漢中。獻忠曉行。猝遇我兵于鳳皇坡。中矢墜馬。蒲伏積薪下。我兵禽斬之。賊黨潰入川南。



